

春融堂集

春融堂集卷九

青浦 王昶 德甫

聞思精舍集

乙酉 丁亥

丙戌

送藥根上人

湛汎

往五臺三首

生平物外心愛與幽人侶  
琴聰豎蜜殊接蹟滿庭宇  
入冬事朝參每趁蘭臺鼓  
未暇理書籤何由接巾屨  
春來賸餘閒擬作茶瓜語  
又聞理條衣脩然卽羈旅  
碧雲感湯休零雨愴孫楚  
雖無三宿心詎能浣離緒

牛首獻花巖幽棲祖堂寺  
煙霏靄層巒松竹起清吹  
寶坊始融公諸天儼環侍  
吾昔過牛頭支筇探靈異  
遙望西風嶺金碧炫蒼翠  
所悵夕陽斜幽尋興未遂  
知君繼石谿風流照初地  
詩如清磬寒殘夜破昏  
睡詞章亦空華畧等搏沙  
戲相期

紹黃梅盡掃文字諦

藥根曾住  
祖堂方丈

東方大震邪最數清涼境背燈散月峯秋雪凍天井文殊童子居金閣現空影華嚴有大師墨海掃千穎疏鈔百萬言辯才絕馳騁卓哉賢首宗義與雲天永君今攜軍持焚香禮五頂須臾答梵聲冰霜寫清景應參法界觀一笑六塵靜歸來過做廬爲我破幽耿如談十會文豎拂猶可領

書錢湘靈

陸燦

所藏宋搨顏魯公爭坐位帖

平原石墨重兼金自記生平歲月深更載湖州莊氏史存亡何限故人心

### 題王元照仿梅道人山水

小亭孤閣遠重重一幅雲山似粵中應與奉常相上下不須

更說學思翁

見陳眉  
公跋語

尙未分符到始興中年山水已飛騰緣知騰鳳洲邊住臨徧

煙瘴滿剡藤

考此幘自題已卯小春蓋崇禎十二年其後始爲廉州太守及遭兵變回吳華墨流傳更少矣

兼值經咒館

古時

命將首楞嚴經重繙國語蒙

之送往前後印度謹藏而經中漢魏六朝文義僧人未能通悉何從繙譯故先以朱竹君任其事近竹君

督學安徽楊和代之

墨海珠林未有涯偶逢奇字苦聾牙三乘妙偈雖能解四句  
旁行尙恐差當與什公繙祕密兼同神珙辨聲華楞嚴流變  
華嚴字義學何人得共誇

蕭寂

蕭寂何須遣幽閒得自如清樽蓮葉酒小帖韭花書香鼎存  
寒後瓶笙午夢餘夕陽聞鳥語吟望下庭除

聞查上舍藥師

岐昌

計感悼二首

彈指華年駒隙過竹林游蹟邈山河舊交漸似孤花少詩卷

空留束笥多魂魄有知應悵望文章無命更蹉跎橫溪老屋

依然在

葉師爲初自先生孫橫溪老屋見敬業堂集

欲與椒漿奈遠何

不分新知是舊知相逢把臂慰相思寒釭夜倒茶靡酒長卷

爭題芍藥詩

此述辛巳歲葉師在京時事

夏課春帆風格在

夏課春帆二集亦見敬業

堂集

山程水驛計音遲廿年馬鬣虛封樹歿視何由慰積悲

時初自先生未葬葉師力營窆喪事比集而葉師復以病亡

題陸葵翁

秉笏

吳淞歸棹圖

纔別酒人燕市便隨釣客吳江想見推蓬一笑九峯翠滴船窗

淅淅風吹五兩迢迢水漲三篙回首軟紅香土何由更上征袍

久羨厠牖浣滌旋看筇杖扶攬從此杏花春雨不須更寄銀  
槭

家本平原內史人如錦里先生計到抽帆時候金臺紀述還

成

君家文裕公  
有金臺紀聞

煙外一痕鴈陣林間幾簇漁曾指點柴門如畫隔溪紺瑤層

層

守歲詩成夜雪

先生去冬除  
夕詩甚工

還家節近秋颺故里樵兄漁弟

相逢爲說相思

謂叔子  
諸君

高秋七月八月絕塞千山萬山想遍江村風景何堪更出巖

關

時余將扈  
蹕木蘭

一幅吳淞煙水依然三泖漁莊也擬將來歸去蘆灣同聽鳴

榔

七夕有憶

碧蘚紅牆蝕雨痕  
虛窗孤燭夜漫漫  
香殘小院穿針會  
月暗空階乞巧盤  
錦字誰傳千萬恨  
朱絃欲起再三歎  
分襟便是明河隔  
惆悵宵來鬢似潘

早赴古北口

邊月初升夜色開  
秋霖纔霽澗泉哀  
鈴聲風動騰鸛鴈  
葉響林疑虎豹來  
上將功名覘衛霍  
時伊犁將軍參贊相次入覲  
從臣才藝愧鄒枚  
簫笳早見排前隊  
往例古北口提督統兵排陳於此  
劍佩常欣接上台

折卜尊丹巴瑚土克圖再世來朝在  
張三營進見詩以紀之

拉麻之號古未聞  
番僧祕密開金源  
八思巴與臚巴繼  
法王玉印當時尊  
婆羅能切唄多字  
諸國音韻通喉唇  
三百年來

稍凌替後出猶說宗迦文至廿四祖遺支分達摩傳法棲嵩  
雲一花五葉在震旦其餘各散紀載湮宗喀巴者亦無考後  
有兩派傳其真額爾得尼在後藏去聲如寶珠耀恒河濱達喇  
更如清淨海莊嚴世界臨羌渾兩支各住五印度其徒有四  
領諸髡或名補答善變化倏忽來去無留痕一喀爾喀住遼  
左遙識王氣先來賓章嘉入居松竹寺博涉外典兼皇墳三  
藏五部有關佚 名詢陳說流泉奔朱輪長轂駐復道時時  
進 見蒙 殊恩折卜丹巴又其一均以六度昭勲奄往年  
涅槃入滅度疑鉢何地招游魂胡畢爾漢忽出世夙慧了了  
通前身旃裘君長駭相告坐牀受具驚羣番 聖朝威德舊  
禁昧異教久已霑 深仁流沙萬里不惜遠欲因秋獵朝  
天閣惟時日在大火次講武初畢旋六軍羽林虎衛千萬衆



朱旂碧罕拍彤雲熊羆麋鹿積大阜鵬鵠鷹隼摩高旻四十  
八旗悉踴躍紅黃二教交歡忻煌煌霞日交閭闕和南頂禮  
申慙勤被以吉語同春溫賜茶賜坐復賜幣伊優舞蹈威  
儀馴蒙古蕃長驚如神再來夙命超凡塵舉首競進排龜鼉  
兜羅綿手摹弗諼鞠脰拜跪除翫誼稽諸往牒從未有異事  
振古由昌辰白國先民伯翳記碧基陰羽周書陳簪毫載  
記豈夸誕懷柔用紀垂千春

### 宛馬行

大宛天馬古未聞漢廷得此誇殊勲振鬣長鳴忽超越正似  
鳴鶚摩風雲星精未墜太乙況每陋疲駑屯千羣爾來  
皇威闢月竈流沙萬里通球珉昂藏逸足亦隨至偉哉閭闕  
開麒麟貢入天閑有餘羨奚官示我真殊倫不帶銀鞍并

玉勒牽出當軒皆動色竹披兩耳待騰空風入霜鬢輕絕磧  
惟時朔吹漸凋騷知我戎裝隨警蹕豹尾龍蹄絳繚閣正  
賴神駒森八尺生平羞作儒生侶直控絲鞭跨腰脊期門震  
桴鼓噓嘲不獨幽州駭馬客卽今大狩輪臺東風毛雨血  
千山同叢林密箐捕狐兔山崖邃壑驅羆熊番君塞主選驍  
騎奔霄躡電來朝宗台圍是馬亦馳突欲與騏驎爭豪雄方  
今太平邊圉靖山林牛馬歸耕農奇材未用亦足樂年年出  
入隨飛龍

孫通政虛船

滿

行帳中啜茗和韻

南樓秋日短

典桓爲遠南樓地

斜照明爻間先生輟講幄余亦歸行

廬前峯儼如畫紅葉映遺墟緣崖泉幾曲瀉瀉鳴清渠羸瓶  
挈易至敲火安松爐欲嘗雀舌味先聽羊腸車一酌塵俗遺

再飲腥羶除宛然在南屏幽興同樵漁悔昨乞鹿脯漫擬平

原書

前日從先生乞鹿肉故云

蒙 賜綠蒲萄梨栗諸品恭紀

扈 蹕承 恩最盈筐拜 賜齊蒲萄榆塞北瓜瓠玉門

西磊落雕陵栗甘寒大谷梨味均金掌露退直更提攜

輓景孝廉雲客

人龍

都亭上道感離羣死別誰知此日分秋榜姓名成鬼錄

雲客壬午

余所取

寢門涕淚憶生墳

見水

鈞聰人去生芻隔

鈞聰雲客集名柳

嬰春深宿草曛不用招魂悲掌夢良常新築待雄文

歷脚星芒入夜垂返生何處覓秦醫求仙空習三尸訣

雲客

能終夕

琢句終傳五字詩異地飄零游蹟遠全家轉徙買山

雲客

蕭蕭遺墨芸籤上

余廿一史書籤

賜斷

燈牕對酒時

送宋上舍瑞屏

維藩

由天津歸湖州

孤城山水冠天下石林評泊非虛稱煦鮮結汰聚靈氣膠流

輩出爭飛騰吾生結客遍西浙耆舊第一誇吳興錫來京雒

才十載海珊

彭明府遂成

化鶴歸崑崙蓮花莊空曉雲濤

姚玉裁

北樓圯秋苔凝

茅湘客

惟餘石田

胡綱修

老且病矮牋寫韻樓

林芳吾衰亦復嬾投贈閉門委巷寒如冰城南坊巷近百步

子嗟一見神明增新詞已逾紅錦段長句更作朱絃絃江風

海雨激牙齒珠槃玉敦輝有烝水晶宮闕秀絕處時向筆下

雲煙蒸懸知諸老但謝後總持風雅推君能歸昌六翮炫光

采宜與鷁鷺齊鸞升何爲通行不上究霧豹未得隨鯢鵬人

生遇合等劍映文章名節差堪矜骯髒寧甘作樓護勃罕要

在師張憑胷中雲夢吞八九肯與流俗同  
淄澠秋颺昨夜穿吳繒朝來取別裁行  
滕秦川公子尙流宕梁園行客殊殘殍  
大台小台接渤澥登覽聊足誇惜昔故鄉  
煙景清更遠曷不歸翦茆三層楓霜蕭  
蕭理釣罾葦雪漠漠開耕塍前賢文獻  
待結集述作便可垂書牕所嗟傾蓋旋  
贈策紅亭上道愁難勝踰伏暫同櫪下  
馬決起應似韓間鷹名山著書他日就  
好屬秋鴈傳溪藤

聞李貢生憲吉旦華之訃兼訊其尊人繹芻同年集

鴛水西風歎逝波長埋玉樹竟如何青蓮舊館荒蕪盡憲吉有青蓮館  
白石新詞感慨多憲吉近工詞塵劫三生終齊涉文章詩  
九命獨蹉跎落花詩識今眞驗慘綠年華掣電過憲吉有落花二律最工

經歲文園疾未瘳誰知零落向山邱姓名無復填銀榜詞賦  
偏教動玉樓早有高名傾李郭空存清咏敵曹劉九泉悵望  
應難盡泣血何由慰白頭

文度頻看著膝前從眞一逝最潸然顧况有哭子從眞詩身非金石原  
難料筆有詩書定可傳思子未須悲短命抱孫好爲伴殘年  
生平孔李知交舊苦憶閒門繫錦韉

題明莫廷韓小幅

灌木陰陰溽暑天溪亭雙槳綠楊船更題詩句眞幽絕吟罷  
涼生已是仙此畫作于壬寅仲夏蓋嘉靖二十一年也餘見余撰青浦詩傳中

年少翩翩重弇州詩書畫並見風流僅餘小幅藤箋在遺墨  
何因問玉樓

題敬堂太僕所撫穠疇給諫六憶圖 并序

穉疇先生少與金副使江聲共游處雍正庚戌在京  
師時憶舊游乃繪六憶圖寄副使於古北口一湖堤  
新柳一讀書吳山仁王寺樓江帆風景一巢湖煙水  
一鑾江秋泛一雲林松靄山房一艮山門水竹之勝  
後金氏不戒於火圖成灰燼而先生落髮時敬堂太  
僕所摹猶有在者因裝潢藏弁金閣學雨叔姓既有  
絕句以記顛末復屬余題其後因成此作

幽人擅幽懷例多山水玩留連惜知交瀟灑寄詞翰餘事盡  
兼書晚行付禪觀心迹迴雙清豈復論婚宦自從前哲亡此  
意誰與按先生清淨身微言師忍衆廿年客湖海偶作金閨  
彥退朝掃精廬默數舊游讌宛同波斯王前塵耿未斷吳山  
遠如環巢湖清似練鑾江夕照明柔櫓出葭菼更愛松靄中

笕泉落西澗城東亞竹居湖上垂楊岸前游墮莽蒼一一似  
夢幻夙因留藏識故侶感零散殷勤六憶圖寄遠託江鴈境  
清畫更清未許塵土溷重霄下六丁忽等焦桐爨不聞桓廚  
化空作秦灰歎誰知過庭人臨撫上絢卷譬諸飛星淪遺影  
在秋漢脩脩古性情湛然溢縹緲高齋啟巾箱合爪互吟讚  
鑿楹守遺書漬淚捧留硯況此希世珍高標走俗諺行當貞  
石鐫佐以寒香薦他時傳藝林定冠寶章選

題張農部懷月

霽

梅花疎影小冊

香塵寂歷背筠窗闕壁孤吟興未降正是月昏雲薄夜招魂  
端合倩銀缸

雪蕊苔枝韻自佳更憑疎影作同儕分明對月三人共勝似  
吟朋伴竹齋



柳漁詩格有誰覩幸見吳綃入畫堪肯與仙源桃萬樹晴波  
影裏鬪春酣

破墨橫斜幾縷纖圍爐晏坐證香巖落燈風與江樓笛穩護  
梨雲下翠簾

和尹相國 賜絢春園紀 恩之作

風煙里近樹交柯新 賜名園佳氣多勝地久聞同鄠杜清

吟又見壓陰何琴樽重啟平津閣園爲鄂文端公舊墅草樹遙靄太液

波下直最欣衡宇接執經來往豈蹉跎余所寓瑞園正直絢春園南

輓董庶常東亭

柳

惜別經年意不勝驚聞哀訃自蘭陵生涯寥落同齊贅詞格

芳華近駱丞吳郡書成青簡在時東亭方修常州府志新官賦就白雲

凝玉堂一瞬華胥夢鄰笛西風更拊膺

柳汀觀稼圖爲來殷尊人檀渭先生

桂芳

題五十四

韻

先生卜宅南城南，澱江繞郭拖柔藍。  
荒蹊屈曲如螺蚌，絲楊踈地陰虨鬖。  
水田十字遙差參，歲收一鍾衆共耽。  
土物不獨宜桑蠶，熟梅時節雨似泔。  
銜花乳燕聲呢喃，黃麥初收盈石堪。  
綠秧齊出分瑤簪，此時墟巷邀丁男。  
短衣挽脰新泥渰，村歌四起聲微醺。  
江鄉農樂足笑飲，中有茅屋疑蒲庵。  
經師斷斷誦孔聃，耽思稽古披陳函。  
帶索恒飫道味醺，文場屢戰森鋒鏑。  
未得王路馳征驂，被褐懷玉貧自甘。  
老去學稼供嘲吟，幼躬燾後古所談。  
譬諸栢栢生穹嶠，吾友才氣如彪彪。  
龍文百斛一擔擔，校書東觀追衡譚。  
文昌七宿光芒含，下照墨海波泓涵。  
索米歸養樂且湛，華黍比雅真無慚。  
捧來玉誥覆以

盤鸞綾縹軸

君恩覃世榮已慨詎更貪耕畬差喜安江

潭少男風起春雲曇視南視北花穠穠齊民要術夙昔探督  
賴催種事頗諳畫作橫卷開芸蟬超然物外同劉惔輕衫小  
笠娛清酣兩鬢未覺霜穆穆豈藉弟子扶乘籃猗歟風景洵  
可矧嗟我夢寐懷林嵐一落人海行趨趨紫宮視草當魁  
三自顧樗散終難堪思隱有若飢而憚逝將歸去依苔龕水  
汀煙塢紅杏慙相從好把長鑱鎖

題蔣湘帆

蘅

摹刻聖教序後

摹搨千年久損神慈恩空說重懷仁丁頭鼠尾爭傳寫誰識  
龍跳虎臥真

董文敏山水

淺綠柔藍夏漲時臨摹松雪更無疑如何畫舫尋山客渲染

紅衣作鈞師

同曹來殷趙升之陸健男嚴東有沈雲椒初吳冲之

省欽 觀覺生寺大鐘聯句一百八韻

華鐘鎖祇園大可容萬斛前德伎佛成祖營役徒少帥督來地

隨毫社移運歷秦灰速升討秋攄奇懷趁日訪往躅冲車遲

曾城阿寺聳大道出東豐碑蛟螭蟠巍座龍象蹴雲威神屏

方良怪偉圖忽條健周遭庖廡錯立枯松榭升駿蘚鋪城

階倒茄麗榜欂東流鈴戛郎當法鼓震塗毒德繡繒內家旖

琳笈中禁軸健幽響飄迦陵妙香散萬糲雲適然靈院間屹

爾崇樓轟冲之鼇柱擎坤維鴈堂仿乾竺來風樯呀差參露拱

盤歷祿東上桃腰彎環緣壁脚子健蟻穿窬以深螺旋往

而復雲趙趙筍虞橫帖帖蒲牢伏德辨名殊重屑取象肖大

腹之升其圓四尋餘厥徑三仞足來頂爲孟體圓身作鏡光煜

之冲重八千衡麻高十六尺縮有東積石容廩困量祛越方幅雲

排欒饗餐蹲介篆虹蜺束來昂俄夔首撐瑣碎虬紋簇德哆

張陋釜鬻峙立雄龍鬻冲之有銑復有鉦非錚并非錮升中懸

廬象穹下覆室成窠健熊熊景常歆黝黝色轉沃德煙煴湧

帝青繚繞暈官絲東含霜九芒寒炫日五彩昱升鋒棱沙畫

錐纒理錦交縛來重爲遶匝行共作迴環讀健華嚴繡寶函

般若譯珠櫝雲品經貝葉傳眞偈蓮花續冲體變盧佉文語

想釋迦囑德龔龔組危自垂鯨桴怒相觸來雷音走隆隆颼韻

迴謾謾雲應大昭小鳴中左羽右繅冲豈立號立橫乃滿坑

滿谷升曰動氣必宣維空聲斯蓄健警宵分雞籌報午閉魚

粥東旅魂感惻惶山鬼拜蹠跼德大地方震醒諸天正清穆

東聲聞豁塵襟東息稽故牘東主鬯藐屏孫操戈恣悍叔

時方息龍爭事忽符燕啄之升腹心寄齊黃羽翼翦代蜀葛

蕭忘庇根椒聊使盈匊之啟疆假以權睨器求所欲東連營

諸將驍入幕一翁禿之升識誇瓦墮空計詭壁藏復男飛颺鞬

脫鷹跳突原走鹿雲歌風北方強占繇南國感來臨江勢已

成割地議空瀆德國門誼征輦陵闕閃戰纛神宮中傳披緇

焉上儼受錄東周公輔誰欺和尚誤難贖來紀年付草除鈎

黨窮訊鞠之著緋衷乃趨要經投筆哭雲踟呼冤哉烹狼藉

弱之肉之升株連榜姓名羅織籍家族健雨仗修羅官列鋸波

吒獄德孰雪重泉冤莫逃一字惡雲魯弓假不歸周鼎遷重

卜來鑄鐵悔六州貢金來九牧之升象功愧和平懺禍懲殺戮

東大慈見應噴宏願持頗篤神濁却經刀兵道場會水陸德

有

考功庀爾材將作勅其屬健男銅調牝牡蘇火扇文武浴神制

器僎工能揮毫學士獨雲一磔復一波三薰更三沐來幅整

資臨摹環圓試鏤鑿東搏泥外渾淪化蠟中滲漉健封冶長

庚監開鑪太乙矚德瀉液凝碧煙騰輝燦朱旭升咒鱗降蛻

蛭封蚌繫殼來審音析毫釐中度辨黍粟德雄梁高引繩

飛架圓轉輓雲大衆歡贊揚羣靈駭馳逐升漫將韶魄招直

使陰魔服東解脫驅三災祈求迓百福神是爲有漏因詎稱

無疆祝健元言闡徒勞黑業種已宿雲縱依淨土安終俾吉

金辱升疚心積孽多彈指流光促東沈埋痛爪蔓倉卒報榆

木健十朝舊物貽萬壽崇基築明代是鐘本貯大內後移漢

西直門外移鐘于寺日俾六僧擊之經賜出從紫閣移來近蒼

見對獲編及帝京景物畧東殷之總周釋界千撞選僧彌六德遷徙隨禪絲廢興易世局

東鴛舍藏至今虎分禁自夙天啟中有言寺在帝里白虎分

游覽志升之啞廢堆泥沙僵眠蔽樸椒不宜鳴鐘遂臥鐘于地見燕都

煥雲摩苦過客憐擲礫游童撲健代已變滄桑物仍寄輦轂

德流傳四丁訛燕邸紀聞云是鍾鑄造及徙置萬壽寺年月

甫氏之阿護六甲肅來景運逢轉輪昌時協調燭健開濟周人

天秉持徧道俗甫選勝闢化城棲真傍靈囿雲挽以千馬車

見法苑貯之萬鱗屋來奏殊辟雍鼓陳比房序玉之升帝

臨星罕移 聖作奎章燭冲之正覺發顓蒙多生遂熙育東

水源功德滋雲氣吉祥郁來毋愴憑弔情且暢登臨目之升新

詩感物鳴用補春明錄甫

為慶侍衛晴村霖題畫

谿衍蒼厓橫杳靄寒霏積春雨化春泉下灑重苔碧旁有之



而鱗盤拏勢千尺撫膝偃松陰蕭然脫巾幘生平澹蕩心晏  
坐息塵役君本蘭錡家仕宦笑執戟雪銷禁苑晴月澹香  
山夕侍從足游觀豈戀一卷石應以竹帛勲謝茲煙水適不  
聞安陽叟築堂羨醉白

晉公午橋莊衛公平泉記巖崖疊玲瓏花木森蔽芾類皆娛  
優閒藉以樂幽邃我師宰璣衡憂勞抒國計七葉雖蟬聯一  
畝謝塗墍此景何處來泉林頗幽異得毋賦子虛聊用寄高  
致

君從江南來衣帶江南雨至今圖畫閒宛似春江渚煙嵐上  
幽襟松竹映芳墅想君儼直餘清夢在雲樹我亦蕭澹人家  
鄉接淞浦此圖此景中夙昔曾游處何時共嚶鳴良辰歌有  
真

臘月八日侍直闡福寺作

嘉平月始臨蜡臘時當屆

皇情眷豫游寶地此云邁相

傳浴佛辰爰涉蓮華界丹禁布崇基黃衣別分派

寺爲黃教喇嘛所居

積雪麗旛幢寒飈激梵唄寧嫌朔凍嚴最喜初陽藹合殿聞

慧香深林起虛籟八葉驗瑞蓂五味飫芳菜璣衡星迴躔簪

筴占近泰

是月十六日立春

何幸

紫宸朝簪毫預

恩賚

歲暮

賜魚雉鹿兔果品恭紀

臘祭行將舉

天廚已早頒江魚冰鬣壯山雉錦翎斑珍合

殊方產

恩深內殿班

惟乾清門侍衛京有之部院郎官皆不及也

軍機房章撤

來供晚膳歡喜溢慈顏

隨 蹕啟行三絕

明霞一縷上樓臺第四籌中

輦路開父老不須頻灑掃昨

看聞集卷九  
三  
背雪已淨塵埃

敬念

衣冠月出游兩年分次展松楸推

恩先

看膳黃挂給復蠲租徧近州

每年謁過地方悉加蠲免

陵羅

垂楊垂柳映郊原婦稚相攜笑語誼共炷沈檀迎

玉輦香

風吹徧杏花村

### 途中口號

蒼厓翠壁盡龍虬荷橐還同物外游綠是萬松青不了青峯  
寺外又青溝

山徑螺旋曲曲通沙平草軟試青驄一鞭遙指南臺寺正在  
浮藍暖翠中

峯頭樹頂雪全消急瀑琤琮響自遙山意似嫌春色澹數株  
紅杏出香寮

松杉一徑靜無塵  
雲笈珠林總淨因  
知是法門原不二  
辨才何必論全真

入盤山

地是田疇宅人傳  
李愿居喬松千萬樹  
蒼翠接巖輿鳥語  
風初暖泉鳴凍已舒  
天香知路近香氣滿清虛

千相寺

圓通在間思究竟  
絕行相云何寶刹名  
舉象令瞻仰象行且  
以千糾紛恐難狀  
不知千卽一妙義本同量  
至人肅春巡濃露滴青嶂  
綠葉互參差碧雲更清曠  
悟此非無色莊嚴儼相向  
星斗天宮尊波濤雲海壯  
兼雨曼陀羅隨風任飄颺  
乃知空不空法界實宏暢  
禮罷出珠林西風送梵唱

經天成天香諸寺有感

野店荆爲壁山樓石作梯經聲松磳北幃影竹壇西絕頂高  
鯨甲鯨甲石一名鯨甲寒蕪襯馬蹄謝公游賞地詩句忍重題夢文子先  
生舊有盤山諸詩最佳

水月禪林

本是烟霞徑云何水月名石孤疑獸立湍急亂禽鳴寺向山  
坳轉人從樹杪行童眞應住此香海有同情

李靖舞劍臺歌

韓擒宅相非常流孫吳兵法王佐傳南平蕭銑定江漢北伐  
頡利清邊陲西吐谷渾又奔竄信以勲業昭神州從征高麗  
詔不許安得挾策爲東游高臺幾幾一千仞傳有靈蹟當中  
邱藥師生平未曾到此臺傳說無因緣我念其人本倜儻入  
關有意干諸侯手攜紅粉獨夜出大索十日方窮搜目瞋語

難誰可託避世不惜來并幽東西相隔路殊遠太行北去尋  
田疇曼胡短後行閒道毛錐已棄攜純鉤風塵僅有三尺仗  
道路安得千金求攬身拔鞘白日動奮袂斫地青雲懸十盞  
十決意氣壯再接再厲神明適矜奇固已重薛燭妙術儻是  
傳莊周瀏漓竟作渾脫舞莫辨左右旋而拙迄今林木尙振  
厲有似雷雨翻蛟虬鐵山賜冢已頽廢勝事乃復垂千秋方  
今聖武被遐裔西極月竈輸琪球龍韜豹晷尙姑置還  
戢弓矢櫜戈矛常山爲帶渤海繞安用突鬢兼蓬頭我見虎  
賁亦脫劍望古長嘯風颼颼歌終日暮霞采上疑有星光貝  
氣空中浮

喜李南澗文藻過訪

喜聞展齒到唐塗捉塵清談忘日晡捐俸祇希書到手寫經

不惜汗霑膚

君來寓中手抄惠氏明堂大道錄

勝流共許豐年玉朗鑒真同

照夜珠觸熱豈堪行萬里秋風取次動高梧

### 再過文莊公舊第

地是平津閣人推履道坊蒼藤秋落子青果晚含漿

宅中藤花蒲葯

最絳帳終蕭瑟沙堤漸渺茫何堪垂馬策更憶讀書堂

悼亡十二首爲芸書作

名湘姓陸氏九歲來余家善事錢太夫人

潦不起

宿火殘香掩舊扉海山何處叩音徽青槐樹底深深屋誰料

西風捲素幃

龍繡苓牀月似銀天寥詩卷最清新如今真似秦齋怨碧簾

寒香鎖病身

芸書畧能識字愛誦葉天寥素齋怨及湯則謀湘中草不知遂爲今日憾也

數椽精舍對花開時看花前點屐來秋菊滿庭秋草碧折花

無復踏蒼苔

授記分明似玉耶  
筆牀鍼管稱宜家  
誰知一掬萱幃淚  
又灑湘屏頃刻花

如幻如塵已十秋  
曇花零落付寒流  
傷神最是平陽小  
軟白衣衫拜蕙幃

烏啼珠斗夜闌干  
蕙帳蕭蕭掩玉棺  
悵望薔薇花外路  
一燈如豆隔牕寒

買花掃塔證人天  
暫結三生未了緣  
一卷金經珠髻畔  
慈光願似鏡光圓

歛時以小本金剛經及菱花鏡安置其旁

忉利良緣未有期  
見分別功德論  
橫牕梅影費相思  
見窈窕  
風暄冰淨

真難狀誰省楊雲絕妙詞  
見震川集王氏畫贊

紙閣蘆簾絕點埃  
天寒翠袖獨徘徊  
開箱簇蝶裙猶在  
疊雪



香羅惜翦裁

上直瑤階日影遲偶翻石墨淚如絲那知腸斷鷗波帖已是

秋牕永訣時

是日因神觀向清溪被入直會面廬有三希堂帖信手緝得趙松雪書一冊內皆爲管仲姬懇

中峯大師作晉度法事閱其情詞懇至愴恨久之詎知芸書卽是時化去豈神明已先告耶

羅帳春寒擁翠紅思家話舊意難降斷魂休作還鄉計路隔

長河又隔江

書風病時屢有還家之志故云

金蟾鬢鎖對斜曛寂寞簾櫳響不聞可是童初宮闕裏雲輶

隨侍魏城君

謂鄒孺人也

中秋前二日夜雨

瑟瑟秋中雨幢幢夜半燈聲兼殘葉下影與落花凝夢似初

昏月魂如欲斷冰此中蕭寂味已是住山僧

屋鼠飢還響秋蛩冷不啼可堪人寂寂更聽雨淒淒亂竹捎

簷重濃雲覆戶低  
斷行今夕鴈何處覓雙棲

中秋有感

明河秋淨不勝涼  
露滿虛簾月滿廊  
清淚至今無可滴  
背燈淒咽似寒螿

已是臨秋不耐秋  
更逢三五月當樓  
冰娥莫現團圓影  
只替方諸作淚流

侍娘收拾紅妝粉  
小婢新裁白練裙  
縱使西風吹短夢  
夢中相見亦如雲

枝蠟秋山萬騎鳴  
論文瑣院一燈明  
移家幾載京華住  
人月何時得共清

余以戊寅入都巳卯庚辰壬午分校鄉闈癸未甲申乙酉從獵木蘭中秋在家惟辛酉及今歲耳

清宵無復共嬋娟  
香霧雲鬟望渺然  
縱使已成奔月去  
也愁

風露冷瑤天

蠅蛸罨戶晚沈沈窮子迷家淚滿襟母老家貧兼女幼不知

何處覓安心

李後主悼亡詩空王應念我窮子更迷家

雨效李義山

已訝崇朝令仍教入夜聞灑分湘女淚行伴楚神雲隔竹彈荷蓋黏花濕蘚紋謝娥衫袖潤小閣薦爐熏

十六日晚微升之諸君招飲醉歸有作

碧海青天恨正長相隨舊雨促行觴已悲取冷同荀粲終賴銷愁對杜康璧月未虧前夜影金縢漸似暮秋涼不辭投轄從轟飲好向華胥覓睡鄉

送邵中允蔚田

副宗

乞假歸太倉卽題其垂緇圖小

幘

槐街秋暑繁未覺秋風冷何爲澹岩人先已謝朝請知君十  
載來幽思江湖迴撫絃愛吟月論詩慕思穎不待尊絲長早  
擬放煙艇

家近桃源涇桑麻散邱墅雖無嵐翠濃雅作煙波主長歌歸  
去來日逐樵青侶宛如仙海翁幽居署江雨軟紅十丈塵何  
由拂巾屨

賀下不賀上昔賢有遺則不見兩文忠辭榮耿膺臆廬陵終  
未歸陽羨竟何及喜君脫朝簪荷衣已先緝拏舟謝古人臥  
聽蘆中笛

香餌非可求直鉤本無用難進而易退此誼古所重矧君擅  
三長椽筆活鸞鳳考史搜志傳君向充續文獻通考館纂修故云聲詩協雅  
頌報國有文章漁父已可誦

憶昔佳月時煎茶共試院披襟作槃譚永夜風燈眩紅亭忽  
分袂夢逐歸帆便此行世所稀高情照江甸應有好事人繪  
畫滿團扇

重九前三日以菊酒送升之兼侑以詩

殘秋似早秋連晨剩微煥昨宵雪雨過始覺秋意足令節近  
重陽應共展遐矚登高苦無緣迹比駒局促西山修眉長堪  
笑熱官熟先生中書君退朝等休沐燈火晚青熒何以佐夜  
讀聊分長瓶酒兼致瓦盆菊菊早尙含苞滄酒亦新漉殷勤  
贈石交臭味取清醲想當掩關暇采采定盈掬舉杯一中之  
企脚北窗宿醉餘有微吟示我尙能續

重九陶然亭小集

秋寒漸緊秋陰蒨滿地秋蕪雲漠漠城南煙水欲生鱗風颺

蘆花如雪作先生退直無所之得得隨行且行樂斜日橫堤  
正莽蒼荒灣斷靄空寥廓黑窰厰北有招提殿角即當振疎  
鐸驅車一徑上陂陀古寺層梯得珠閣東華已少軟紅飛西  
嶺遙看眉翠約意行攔入酒人場聊爾銜杯共醕酌裸國羣  
游未足誇老兵呼飲何須忤坐中忽致兩明童宛轉清商間  
絃索絲竹中年感慨多煙霜晚景情懷惡歌殘紅豆已萋迷  
泪掩青衫還寂寞歸路相隨古樹鴉寒更愁聽巖城柝生涯  
何處覓陶然獨臥蕭齋燈燼落

查同知恂叔

禮

招坤一魚門康古升之健男來殷鑑

南諸君集澹安廬看菊分得五言古詩卽仿坤一體  
霜晴秋日暖壓檐霜花腴招邀作重九賞玩齊賢愚幽華似  
高人可敬不可娛有酒雖如澠肯與俗士俱今夕信良會寒

藥照繩樞剡藤白於雪灑掃十笏廬繞廊百本花瘦絕眞吾  
徒人已澹如菊花影爭扶疎間以曲室語一一妙貫珠惜君  
美雨膳未稱山澤癯請借劍南詩爲花洗煩紆從今斷火食  
飲水緇仙書

末二句放翁  
梅花詩也

宋謝文節公橋亭卜卦硯爲何叔作

歙溪一片寒於鐵傳自弋陽謝文節其修一尺廣僅半正氣  
稜稜迴不減上有題識字云是橋亭卜卦時所置旁有銘語  
鐫云是窮餓不食守義賢

硯旁鐫程文海銘云此石吾友也  
不食而堅語有之人比如石不如

石堅誰似當年採  
薇不食守義賢也

嗚呼謝公風節眞雷頊上書傳檄何堂堂

提攜此硯閱寒暑哀哉宋社仍滄桑團湖坪前鼓不起飄泊  
垂簾建陽市海陵風信溯江潮天意寧容論卜筮想當變名  
姓遁迹茶板間蟾蜍亦淚滴相對含辛酸乾坤否泰未可轉

明夷獨自貞艱難石田可耕等採蕨頑民誓同此石頑何人  
創議徵遺士飴甥廝養今誰是江南豈復有人材草屨麻衣  
欠一死攢宮拜哭秋草珍木波禮謁同朝參指南有願竟未  
遂翻幸此硯留天南靈旂歸來風雨怒十丈崩濤夜奔驚蛟  
螭拏攫鬼神扶洗濯良材出煙霧硯左有趙元題字云明承  
易爲先生祠掘地得之何年輾轉來燕陲月東畸人欣得之星芒壓脚  
賄石友什襲珍重伴槃彝硯近爲津門周上舍月東所得寶  
玩特甚及病亟命其子走數千里  
至粵西致酒闌眎客誰敢把古色蒼然照杯斚清墨應揮思  
硯於梅叔  
肖蘭臨池肯寫鷗波馬曹娥碑下塵冥冥重吟采石悲零丁  
雲根瘦削堪千古如見西山疊疊青宋劉如村紀謝公詩有  
采石吟成期絕粒及千  
載西山疊疊青之句蓋公於興國軍安置時因謫所  
西山層疊自號疊山故也見元李道源謝公神道碑

題坤一墨菊



春融堂集卷九

三

紛紜互高低漠漠亂前後藤牋二丈餘墨瀋淋漓走摩抄儼  
幽香感歎不容口微霜吹東籬象外本難取模劂月印牆宛  
轉燈移牖稍足見天真落墨率已醜惟君契忘言筆下淨塵  
垢疑有楚騷魂揮灑動跟肘我聞彭澤翁采掇盈座右無人  
送酒來寂寞作重九令君拓筠窗文几列尊卣招邀高陽侶  
槃餐等翦韭妙作炙轂談快瀉新蕒酒對花更寫花清絕兩  
無偶宛如煙霜中遇此眠雲叟持螯尙嫌粗肉食更何有差  
許無絃琴寥蕭日相守此間形影神妙意孰能剖未審會中  
人多似柴桑否我詩愧木桃詎可望瓊玖幸值秋殘時楓杉  
集雅舅叢叢小金鈴依然發蕙畝擬呼冰雪朋涼夜覆大斗  
再斲拂蚬蚵佳約幸無負

十月校武進士於

西苑侍直恭紀

禁藥掄材馬步同 紫光高閣敞晴空雲間褻鄂丹青壯日  
映蕭曹劍佩雄百丈毬場弓似月八旂羽衛氣如虹生平枉  
負終軍志未及西陲戡武功

時畫平定準夷回部諸將帥像首輔第一

### 送來殷給假南歸

冰雪將殘暑風沙薄策車頻年依 禁闕此日指鄉間入舍  
親溫清登堂問起居喜同諸弟子安穩昇盤輿

聞說長洲老年年笑口開尋山仍命權話雨更銜杯物論尊  
耆宿時名接斗魁計過通德里納屨共徘徊

兼訊歸愚先生

屈指知交久論心氣誼投聲名稱二鳥著述命千秋小別仍  
悽惻重來待唱酬征途豈岑寂李郭正同舟

時與趙少鈍乘淵同舟

四九年光盡三千驛路遲去應霜滿鬢到及柳垂絲北郭欣

攜手

謂鳳階企晉

南陔樂介眉獨憐羈宦客上冢更何時

題趙雲松耘菘圖卽送之鎮安守任

庾郎鮭菜二十七獨好春韭遺秋菘豈知霜根味佳絕綠葵  
紫蓼難爲工算緒雖堪鄙王夷佐饌正足資周馥郇公食單  
肥膩未省玉糝逾燔熊我生夙具藜藿腹畦棧喜見拙新  
菘蓋鹽百甕債未畢花臺手摘香蔬豐何期邠卿有同好學  
圃思趁晴泥融家鄉回憶環堵官梅坪竹塢地數弓白鷗三  
雨忽飛下石牀曉坐冷然風鳴簷疎雨昨夜過垆甲出土青  
茸茸傾筐無煩送園叟分種贍欲求鄰翁翰林主人本蕭寂  
灌溉差足催連筒今君擁傳百蠻裏虞衡桂海物產充釣絲  
竹搖嫋嫋細燕支木染斑斑紅蘘荷諸芋備採擷官廚豈復  
呼鞠窮獨憐餞行近饑歲寒菹臘菜徂殘冬元修戲語定何  
日展卷不覺心憂忡願君推此勤劬農青榆一樹百本菘民

問豈可有此色制令當與蒲亭同任棠拔薤安足法慎勿束濕驚愚蒙

莊滋圃先生

有恭

以福橘見貽有作

嘉貺來南海開緘奉北堂傾筐珍滿席濺齒潤甘漿公紀懷堪慰靈均頌可忘咳蘭慚未採臘酒喜同嘗

送朱子穎

孝純

復任東川同知

信美西川尹羣推北地賢甘棠春聽訟香稻曉行田輿誦巴人曲郵程楚客船聞官風味好須報故交傳

君詩有官卑須報故人書之句

小除夕追悼芸書

西風吹雪暮紛紛死別經時歲又分竊藥已知隨月姊採蘋何處薦湘君重帷燈火疑留影小閣香煙欲化雲腸斷去年

中酒夜墜釵聲向隔簾聞

爲嚴明府海珊遂成題畫冊

茅屋明殘雪杉林帶晚烟山僧除夕近催送佛燈錢  
雲深燕子龕雪霽蓮華界松影滿幽窗月向東峯挂  
嶺斷寒村見林枯宿鳥稀溪邊藥若侶兩兩扣柴扉  
朝霞映石林秋水通江步一逕落松花清香浥巾屨  
寒扉紅樹裏清磬碧雲間石逕無人到幽禽自往還  
清曉楚山寒殘僧尙孤坐微聞蹋葉聲遙識磨廢過  
藥嶼條條水蘋窗冉冉風似攜竹葉酒來對菊花叢  
村煙竹外生漁篴蘆中響渡口小船橫知是秋潮上

楊芬港卽事

雨後春潮漲綠波別開花港似銀河層層臺榭聞絃管處處

香燈映綺羅才子試歸分橐筆時召試侍臣退食共鳴珂  
昇平韻事天然勝并入明良喜起多獻賦諸生

望水西莊追悼查心穀先生爲仁

北郭人何在西莊雪昨晴春雲連禁籞野水上柴荆時命  
誰能料文章晚得名十年成宿草悵望不勝情

早歲功名薄中年樂事豐臥游牀上下把釣水西東花藥三  
間屋謂其弟圖書一畝宮試茶兼鬪酒料理有明童

更有蘭閨伴齊眉復比肩山林耽韻事風雅作因緣獨坐聞  
吳詠分題壁蜀箋芸書閣名今已圯人望想神仙

盤敦聲名久舟車雅集多青燈畱客住謂杭大宗屬太白璫

喜僧過高雲上人月旦歸前夢風流付逝波少微星隕處誰念碩

人邁

題錢方壺先生

桂發

歲寒三友圖

曉徵  
尊人

日暖南枝破紅萼蒼雪紛紛捲疎籜鱗鬣之而五粒松秋濤  
風鼓殷千壑歲寒三友古所稱畫評最數黃華作黃庭筠有  
歲寒三友  
豈知異代有同規冰雪襟期謝炎灼家園本近練祁湖碧  
浪激如上下箬五畝田收杭稻豐數椽屋老藤羅絡井里羣  
推王彥方詞章雅重唐文若桃李新陰在鯉庭楂梨嘉譽傳  
芸閣去年襍被來京華行李蕭然縛雙屨閒尋古寺肆夷猶  
小覓鄉朋共喁喁入舍方欣愛日長趣途肯負還山約耦耕  
命駕事西疇隱几忘形等南郭風絮閒門掃綠楊粉香小圃  
圍紅藥非無翠萼舞迴筍亦有青棠倚疎箔先生素尚獨孤  
清臭味差池遠叢薄水邊竹下愜幽尋臘尾春頭高寄託茸  
帽枯筇得得來未厭年光尙蕭索梅花似玉映微霜冷蕊疎

枝全戍削竹窠如蠶趁長颺亂葉交柯爭拂掠蒼髯老叟更  
輸困元氣淋漓走龍躡命侶真疑一笑同論心欲證千金諾  
結隱情懷冷似鷗耐寒標格清於鶴我昔拏舟拜德公白板  
雙扉遠塵漠耘鋤漁樵半橫斜史簾書箱互參錯酒兌餘杭  
清醴醇茶分洞芥寒泉瀹不須符子王一邱已見榮期獲三  
樂今觀此冊倍蕭森畫法居然妙皴皴樂志從知擅後彫放  
懷信足忘豐爵躡屐寒披巖子裘提壺晚就陶公酌儻容撰  
杖比奚童相隨欲試游春脚

題山陰閨秀駱琴風繡餘學吟

本姓胡  
名慎儀

秋河庭院蔚藍天甲帳羅襦駐鳳輶柔曲紋窗清似水玉鳧  
香膩擘瑤箋

葶蘿濃翠接眉棱門第清華本駱丞梅嶺煙霞珠浦月江山



春融堂集卷九

七

點染入溪藤

先是從其尊人  
幕游越中江右

絲淨流傳絕妙詞

許德音

西冷才藻藝林知

方芷齋

南樓近刻蒼

華玉

徐若冰

大雅扶輪屬總持

不將檀畫鬪濃妝  
經卷書籤滿石牀  
退直歸來同寫韻  
分明仙侶是劉綱

題蔣甥瑞應

雲師

夜詠圖

龍門百尺桐渭川千畝竹  
引露既亭亭含風更肅肅  
移根入邱園並植近林麓  
譬如隱君子攜手結遐躅  
迴塘清且寒芳草萋以綠  
逢秋漸蕭森入夜轉幽獨  
惟應澹澹人清坐理窟  
牘吾甥靜者流麗采照南服  
昨來試春官龍文扛百斛  
方當躋天衢豈復戀家塾  
何爲尺幅中雲嵐互迴復  
彷彿玉屏山江鄉連滬濱  
看竹寄高懷據梧邁凡俗  
懸知行藥餘劇愛挑

燈讀爐煙寒更颺茶響晚漸熟涼宵風露深微詠尙未足頗  
憂童子癡屏風定誤觸子才姬師川吾衰甚山谷少游翰墨  
場已類蟲蠹木敢誇老識塗差喜光炳燭寓齋近城南槐樹  
覆高屋久擁百城書愧彼八州督却逢長夏時退直便沐浴  
行將持一卷相與度三伏春容待叩建討論妙炙轂如希枕  
膝傳微言猶可錄

晚至熱河

路是三义舊人經四度來桑麻增鴈戶烽火絕龍堆雨霽河  
流闊雲高晚色開今宵欣卽次好與酌村醅

七月二十九日爲芸書忌日蓋謝世已經年矣風雨

感懷因作五絕

孤館蛩聲夜夜添紵衫涼透晚風光半牀殘燭千行淚恰伴

愁霖下草簷

欲擷蘋花薦楚筵  
京華回首隔蒼煙  
遠行上直離家慣  
薄倖今年似去年

頻年別淚滴羅衣  
盼我龍沙一騎歸  
此日秋山千萬疊  
香魂何路望金微

寥落秋光逢小建  
淒清夜色報初涼  
夢中忽到青苔院  
苔葉

香塵滿簟牀

時所居已爲藏書所

玉露銀河閨早秋  
穿鍼人去冷香篝  
斷腸風景今年甚  
兩度

銷魂乞巧樓

時閨七月

閨七夕

再度穿鍼節  
雙星望儼然  
歡仍隔小夜  
別不待經年  
玉塞人千里  
銀河月一弦  
高樓瓜果會  
惆悵碧雲天

興州客舍臥病無聊因憶袁中郎云天下聲至清者  
惟蛩聲雨聲茶鑪聲耳今秋多雨蛩聲達旦而奚童  
供茗至午夜始絕火欹枕獨聽差足破寂乃各系以  
詩

窮塞抱微痾清秋軫暮節孤鴈尙未來寒蟬已先絕誰同伴  
沈寥砌蛩最蕭屑臨風忽纏綿隔雨倍悽切知我苦悲秋微  
緒無人說幽幽訴樓遲耿耿話離別似彈獨繭絲三歎心如  
結轉恐微霜零清宵漸鳴咽

蛩聲

鍾峯落秋泉其味寒且硬攜來瓦鼎烹松風動孤聽潺湲杳  
莫窮颯沓仍難竟稍聞羊腸迴已覺蟹眼迸故人況好事苦  
茗屢移贈

倪開學敬堂以龍井茶相饋

小啜破微寒餘香入清詠石炭火

未殘竹鑪煙欲冷我方契聞思不礙禪心定

茶鑪聲

秋雲起松巖秋雨下苔石疎疎濕牆腰瀏瀏墜簷脊似同敗  
葉鳴迴使寒更隔灑簾密復疎入戶斷仍滴晨雞咽未啼秋  
蛩亂還積孤衾生薄寒夢醒愁難釋遙想鳳城南虛堂掩離  
夕孤燭話巴山西窗耿淒憶雨聲

十二日夜

颯颯風初勁娟娟月漸盈山深湘簟冷夜久藥煙清村犬隔  
雲吠秋蛩浥露鳴不眠聽曙鼓誰識此時情

噶顏哈達

噶顏蒙古語謂古戰場哈達山也

哈達饒天翠傳聞古戰場山形俱拗怒雲氣尙飛揚世遠鯨  
鯢絕林深虎豹藏封尸何處弔京觀久蒼茫

重經雙黃寺

疎籬行宮地重來恰五更山雲寒更薄秋月曉還明隔塢

人煙遠依牆皮火明紅闌臨石澗永夜響琮琤

二十六日永安拜口曉行

殘月低羶帳清霜凍馬羈嶺紅昨放燒

園中八月盡草枯道中八月盡草枯道

息俗調

嵐白曉炊煙路入圍場近

永安拜口至鄂爾吉庫哈達僅十一里

旗分

獵陣圓唯聞九曲水鳴咽似秦川

九松山

一點青螺小傳聞名九松長風吹落翠遙映碧芙蓉仄徑逶

迤度寒流宛轉通下山山寺近數折亞牆紅

爲瑞應悼亡

頻年慣作悼亡詞淚灑瑤琴獨繭絲忽見芊雲傳怨句江南

又度落花時

長紅小綠拂秋千漸近清明冷食天十七年來如夢裏風吹

笙鶴送雲軒

芳香明鏡定何如無復秦嘉上計書  
苦憶瑤華相別處涼風庭院菊花初

誅茅卜宅計纔成畫裏移家喜共行  
誰料竟成歌哭地辛夷如雪撲簾旌

牽蘿舊事淚沾巾紙閣蘆簾冷簟塵  
記取贈錢營奠日辛勤莫忘斷機人

哭張策時一百韻

夙因如飄花往事似轉轂俄看執友亡  
彌悼浮生促七日奚由蘇百身詎能贖  
惟君生瀛壖靈德氣所蓄輪囷闢肝膽  
爽颯露眉目百尺龍門桐孤生泰山竹  
丰規冰含稜意氣矢厲鏃絞直紹杜根  
俳諧陋袁淑大欠風刁調雄譚泉濫沃  
文披

錦十綈詩瀉璣千斛倚聲仿碧山演雅記華谷羣誇跡弛才  
造物使自獨聲華二十春青衫蹇場屋頗同厄閭楊誰重荒  
年穀四壁空長卿一錢窘元叔繩樞翳蓬蒿突斷醴粥俛  
首趨庠黌低眉課門塾甘從櫟社樗肯乞監河粟饒或市豬  
肝脹豈畏羊肉枯鱗涸蛟螭逸轡蹶駉駉孰容運海鵬坐繫  
摩天鵠聲因不平鳴事以有感觸淒鏘伯玉琴蕭瑟漸離筑  
擲帽呼臬盧飛籌倒醺醪釣思巨壑鰲抱厭故山犢攬身辭  
東吳放脚走南服花穠蘇公堤龍濺屨于麓白鷺淩秋濤金  
鷄眩晨旭楞嚴登巍壇君有楞嚴壇長歌甚奇偉桐柏瞰祕錄靈湫乖龍  
都古蕩羣鴈族勝踐開心胃清游解顰臆終如豕負塗未見  
鴻漸陸前年登鄉科昨歲始朝祿橐筆依編扉校書整衣襪  
吟成四座驚文出萬人伏論事稍軒昂檢身益拳跼薄宦謀



齏鹽冷官混聿牘空憐蟻銜糞自歎蠶綴簇憂終能傷神性  
况輒忤俗懸牆影驚蛇入座賦傷鵬藥無仙島芝餌乏秋潭  
菊冉冉芳膏煎悠悠年歲感我惟古誼士執雉等圭玉取茲  
耿介性可殺不可辱捐生全其仁致命遂所欲岬嶠方寸間  
獨行砥庸碌末流多泆忽一生徇禍福閤然學媚世蝸角等  
出縮豈知伯始徒糞土爲世慘嗟余本畸人矯志刮諂瀆締  
交遍江湖涕唾眎時局與君契忘形龍象並踏蹴氣協磁聯  
鍼聲諧圉應祝好修集芳菲植行勵澡浴道古誓激昂研經  
恣往復吟場操敦槃文戰擁旌纛蛩螭爭負趨夔蛇喜追逐  
墅寒聆宵霖君寓吳氏遂初園最久巖響攬飛瀑乙亥君讀書寒山別墅雨刷山  
眉青春回湖面綠嶼風菱擢香榦雪梅破馥豪胃吞八九勝  
侶締五六謂企晉鳳階來殷斗初諸君松溪並榜行桂館翦燈宿拍肩笑

之而連臂互夕予嘗騰醉更醒跌宕歌兼哭散台色每飛聯  
孤意逾篤馳訊罕虛旬寓書定盈幅响沫輒相存箴規尙交  
勗歲憶在敦牂我方忝校錄仰觀五緯星俯映萬枝燭拆卷  
唱君名滿堂喜驚爆惟時文莊公踐斗莅鼎軸清標激廉頑  
厚德幹亭毒辟如攻玉工伐山採精璞後堂引彭宣前席奉  
吳音自從乘騏驎神道拱宰木今君游清都庶往躡仙躅金  
液問方平玉樓叩羅郁管鳳升高旻騎鯨謝昏黷矧自來京  
華聞已學乾竺閻浮等塵沙賢刼比眇眇覺空從此超滅景  
安所牯習氣斷瀑流幻軀釋桎梏所悲同岑人鮫珠瀉盈掬  
念我初別君新秋掃潤潯園中隨和鸞塞上待卽鹿初訝稀  
書函再問困牀褥維摩疾偶嬰羅什咒堪祝何期匿膏肓遽  
致啟手足脉貞驗薪然候果應禾熟豈因兩鬢華遂致一棺

東魂從厲神占數昧季主卜大招陳饌饌小斂具湯沐官同  
殘夢短壽比浮漚速志寧遂鱸蓴祭已奠魚菽家憑健婦持  
書付嬌女讀受弔乏傲廬歸喪剩破簾逶迤水堠遙颯沓霜  
颺肅酸辛遍親朋哽塞逮僮僕牙絃輟孤聆郢聖想同廟告  
哀不成章聊以訴衷曲

瀛臺觀冰嬉

元冥應節陰始凝液池百頃初含凌水晶宮闕銀世界琉璃  
影微光層層頻年歲暮習勁旅測量先 命遣疑丞雞人  
待漏報將曉霞霏隱隱明觚稜西華門開啟 鳳蹕靈沼一  
望清而澄京營卒伍本驍武此更妙選神飛騰結裝不用組  
甲麗逸足要試冰鞋能厥形如履齒如屐束縛只藉雙行膝  
趨門前後夾侍立鸞弧似月絃將纏拖牀柳下小於舫周遭

御幄張吳綾我

皇祕殿視事畢亭亭黃繖從中升一

麾盡出鬪身手追風逐電相憑陵或同鴈行列橫陣或等魚貫懸長繩迴環依稀旋磨蟻決去恍惚離鞬鷹左射右射互揮霍上舉下舉紛因仍挽強命中入睿鑒羣喜綵帛隨行勛本朝定制勤肄武詎使清宴恣矯矜燈宵欲陳布庫戲山寺屢見堅礪乘嚴冬復此騁絕技但覺勇氣如川增二十四旂尙未竟明晨更看流飛矰

送查恂叔出守寧遠

詩人例作入蜀詩李杜放筆攄雄詞石湖劍南兩繼之漁洋後出窮研思水厲山刻分豪釐天彭井絡天下稀形勝絕險名坤維瞿唐雪瀨蟠蛟螭劍門煙莽藏鼪狸荒忽怪偉騷人悲瀘山地更鄰邛夷葛砧鑊天爭嶮巖叢箐密樾相蔽虧金

沙之源清且瀟瀟雲忽起香威蕤番民錯處稱難治漢唐設  
衛空羈縻今君叱馭雙旌麾沿河歷陝經梁岐九盤關險路  
迤逦入疆威惠兼所施均田行水稽耘耔講堂石室餘荒基  
日撫耆幼同嘔兒循良媲美古應無差矧君昔莅邇水麋其俗  
祀蠱崇神祇含沙中人瘠生肌精夫蠻里紛苗黎藍笙銅鼓  
戛且吹如牛榕葉濃陰歆蜚煙毒雨迷晨曦君也服息安常  
規神全有得心熙怡朱顏紅頰松筠姿輔車雖落無勞疲在君  
太平被瘴病發類煩時飲獐酒甘如飴獐刀潑眼光流離醉  
後起舞驚魑魍而君常招余小集山獐酒飲客色黑舞酣琢句  
星芒垂知君邊徼無不宜此行詎復愁孤羈邇者么磨煩  
王師將軍前日臨滇池軍書旁午來綿虜調發勁旅徵熊羆  
火龍之標試發機兼以萬匹追風騅馱運更復須臾變檄下

郡縣時敢娛筦庫分給千朱提用備萬里軍行貲自川入滇

分兩遠建昌畢節屯行輜

是時大兵進勦緬甸調成都駐防兵二千名又於川省購備牛馬萬

餘運送雲南又自川至雲南皆取道建昌總督阿爾賽以一路行走恐致擁滯請從建昌畢節分道並發川省火鎗有一

龍標者最爲迅利提督岳鍾琪亦請送往雲南備用君往董率紆籌咨肯以儲待勞輒

咎風梳雨櫛頭蒙俱蜀牋雖好如凝脂遑暇舒嘯同平時力

與前哲相追隨君言夙昔本好奇盤根錯節始見知脫穎而

出囊中雖此行正值功名期安事摘句尋章爲煌煌太乙懸

蠶旗遠眺大劍連峨眉都亭日落揚秋颺上馬揮手西南馳

送胡雲坡

季堂

赴慶陽新任

星郎才望久翩翩出守欣聞

詔旨宣鼓角千山迎紫蓋風

霜五夜上花韞沮渠蒙遜經營地禿髮烏孤戰伐年多少英

雄遺迹在知君詩興快行邊

送畢秋帆赴鞏昌道任

金鴉麗元楊感發振萬竅颯颯枯蓬飛晶晶積霰耀君奉尺  
一書寒帷屈番微雖誇直指榮詎免離緒標憶君通籍初慘  
綠正年少我亦纔三旬聲華各驚爆心知媿苔岑奚用贈紵  
縞我上春官第南歸仍瑁璫君也入紫微簪筆掌墳誥風波  
兩葉萍豈意共鉤芼同年復同官並典溫室詔駟驢每偕  
行夔虬更相笑君本蓬閭姿公卿互傾倒均律叶笙球薦同  
贊圭璋長離翥慶霄鵷羽但俯覩果看一鳴驚豈弟神所勞  
由茲躋春坊兼侍講帷幄譽望侔邢禹官聯等華嶠木天  
本蕭閒談藝悅同調春秋劇招邀巾車屢請造未嫌次公狂  
見喜長卿傲同時十數君翰墨盡高蹈謂坤一宮詹曉徵學  
士升之舍人諸君  
相將梯岑樓遠嶺黛如埽樓旁槐柳疎落陰亂旗纛依稀初

白庵往躅猶可弔咄嗟勅中廚葅軒愜同好君雖小戶飲頗  
識酒中要醉鄉樂旣長觴政舉必妙開櫛指酒旗爛爛星影  
掉夜闌再分題鬪句競曄踰一年三四會斯樂誰可料朝來  
忽分張話舊祇悽悄秦川古西陲隴塞極甌巖天垂井鬼芒  
地阨雍梁隩鶉火氣所鍾故俗尙彊護自來戰鬪場雲沙亦  
排冪長城高截天洪河遠連澳羌渾恒雜處桀黠慣寇鈔唐  
宋詫窮邊軍屯列井竈韓范數經營旗鼓萬旅譟邇者

皇威宣天山儼堂與鳴沙床穰間人物被聲教遺風迴敦龐  
夙習刮雄鷺比年更屢豐村戶富廩筭厥田維上上黃壤鮮  
乾滂清波暨碧雲渠流足利導今君坐堂皇何以計息耗首  
先重興甿次迺廛詰盜苟斲地肥開不俟陰雨膏勿與睽睽  
徒束濕事陵暴庶幾孔君魚前徽定能劬此邦况仙都圖經



春融堂集卷九

久垂號吾聞昌黎言山鴈水刻峭又聞蘇文忠九十九泉繞  
仇彝百頃餘覆壺瀉懸瀑清虛小有天福地豈難到佇見簿  
領閒往遂知仁樂青蒼攬春嵐殷紅望秋燒洮河水玉研潑  
墨寫幽眇寄我黃金臺開牋一舒嘯

春融堂集卷十

青浦 王昶 德苗

勞歌集 戊子

題曹來殷難燭脩書圖

紅袖娉婷傍葯欄，紉書靜夜灑銀翰。其知徐庾詞章麗，更訝  
尹邢格相端。八字梳成雲嫋嫋，五銖衣薄珮珊珊。持裾差覺  
蒼苔滑，刻鞵遙憐碧露溥。宮燭金蓮移短檠，名香寶盒熱旃  
檀。穿檐月自窺雙笑，繞砌花宜證合歡。坐倚藤牀書匱匝，路  
迴蕉檻石巔巔。妝殘祗益低鬟媚，秋冷還添半臂單。蚤識侍  
年占命，合好逢當夕。佇更闌，非烟非霧成三影，爲雨爲雲想  
二難。南國鏡中真有伴，西清天上豈嫌寒。說文點畫分魚魯，  
君時纂音 釋地圖經辨馬韓。君修文獻通考奉 起草漸看盈

韻述微

君修文獻通考奉

起草漸看盈

縹軸早朝便擬進 金鑾蓬山閬苑聲華遠舞幃歌裊偃仰  
寬小字茗華鐫疊壁內家裙袂製輕紈渡江楫已迎桃葉織  
錦圖兼羨若蘭君時迎夫人于苕溪兩如君于練水會于吳閶北上信有風懷伴小宋  
斷無霜鬢等愁潘漁莊笑我思投老擁髻分明幻影看

贈莊上舍似撰所

執手頻驚歲月馳青衫如舊鬢成絲文章未合終三黜身世  
何當賦五噫桂海花濃鄉夢遠時初從粵西歸蘭陵酒熟客歸遲窮  
愁莫忘名山業自有桓譚異代知

同朱學士竹君過介座主受茲

福故第在東城燈市

金張甲第禁城東辰已曾悲昔夢空燈市仍看明夜月經帷  
誰與坐春風祇留虎觀文章在回望龍門涕淚同更憶名園  
郊外路琴書寥落野棠紅

題錢上舍志堂

茗水山莊圖三十二韻

吳興水晶宮宮闕在寒鏡生平諷其詞輒欲往洄泳泖湖接  
茗溪一帆路非翼悠悠二十年烟波負吳榜錢君家溪濱雲  
林宛釣暎山峯佛髻旋田稜僧衣淨捎檐竹萬竿繞約荷千  
柄香茆綠柳陰軒窗頗明瑩定有壓架書夜讀翦短檠訪秋  
散清衿追暑樂幽性矧逢三已餘緇桃鬪春令繁花互芳妍  
老榦轉枯硬沍沍蘋葉生簇簇蘆芽迸呶啞鴨背船茶具足  
容併跂腳復持頤沿流理漁詠吾聞古畸人秉志必孤勁進  
不諧時榮退乃守閒靚用表歲寒心素履獨雅正元真昔浪  
跡寔亦謝營競今君及盛年方期試從政有如傾城姝重錦  
初待聘奚爲賦郊居遠比谷口鄭君言戀蘭陔海南事溫清  
自攜尺幅圖庶豁鄉思兩洵矣物外心塵勞豈能病我本山

水人舉足畏機穽黃塵壓烏帽空思奉朝請結習沿多生耽  
幽悟宿命故園渺橫雲久負松蘿盛方將騁遠遊自分愧清  
行況此鷗波邨勝踐何由更夙願未易償沈吟慕張邴

參贊珠侍郎

魯訥

輓詩

時在木那被圍水斷糧絕遂自剄督臣鄂寧奏其曾戮降

人以致衆心不服後尹文瑞公力白其誣乃得

予卹

旃門獵罷奉軍符

時從獵木蘭被旨即行

豈意旋捐六尺軀慷慨何

人能斷指

護印之知府等乘間先逃無有爲請援者

蒼黃獨夜效銜鬚憑城雨礮

千夫勦歸國雲旂萬騎趨

後有戌卒夜見侍郎與福公明瑞入關騎從甚盛

跌蕩天

門游帝所定持長筭掃蠻區

簪毫曾共侍瑤墀就死終由力不支拜井心危揚水後

賊瞰知城

中水道已絕

囊沙力盡唱籌時

時糧儲久絕士卒無固守志

戮降尚苦邊

臣議卹死深邀

聖主知太息歸元還未得空留宰樹護

穹碑

奉命往雲南辦理靖邊左副將軍雲貴總督阿

廣庭先生桂軍務許侍御穆堂寶善招集朱竹君曹

來殷程魚門沈南雷世燾兩舍人暨梁孝廉兼士置

酒餞別慨然有作三首

短衣雄劍逐嫖姚餞別多君折簡招促坐明鐙偕近局閉門

投轄趁長宵行隨日月雙丸駛凡馳驛赴軍前者必晝夜兼行遍歷河山兩

戒遙後夜相思如騁望蠶旗指處是征輶

明河欲落酒旗張卜夜歌呼意轉長但望東風占暝律拾遺

風入律則何辭朔雪犯嚴裝心關去住頻彈指語雜悲歡總

斷腸賴有石交蛩駘似安噉萬里共扶將時升之

東都賓客此宵俱揮袂何堪趣首塗河朔樽開拚酩酊日南

版納歎崎嶇

普海邊外普藤等十二土司加以宣慰使號十三版納猶言隸版圖納貢稅也

雲連寶

井浮兵氣

寶井在猛密今春公明瑞由象孔旋師經此

路繞金沙接鬼區

大金江發源清

海本鬼家宮裏雁所居

歸日定成蠻府客夜闌如夢話姻偶

魚門以詩贈行次韻

忽隨征旆蹋霜花萍水行蹤豈有涯  
筮仕何能商出處談兵尚欲辨堅瑕  
怒江雲壓夷官寨瘴雨春濃狔老家  
涕淚餘生意氣盡敢將磨盾向時誇

與鑑南話緬甸舊事再次前韻

爰風瘴雨炫蠻花路隔瀾滄水一涯  
久識彈丸同爨晷何須設版視焦瑕  
中朝文德諧虞舞絕徼神靈奉漢家  
南費旋看來職貢白狼詩句爲君誇

竹君來殷魚門馮員外君弼

廷丞

吳孝廉泉之

省蘭

置酒再餞仍次前韻留別

東籬久負故園花

是日座間菊花盛開

叱馭將經洱海涯歸日要當歌

競病餘生終畏摘疵瑕卜居苦戀三間屋

時眷屬仍住蒲褐山房

乞米

空憐十口家賴有送行詩句壯酒酣燭跋更長誇

發京師二首

往事真如夢誰知得此行纔看摻別袂已促赴嚴程生理何從數羈懷未忍明更無腸可斷搖漾任心旌

草草裝衣被淒淒問寢興三年從此隔萬事總難憑黯澹離羣鴈傍徨穴紙蠅蘆溝鳴咽水聽罷祇瞢騰

良鄉夜宿示升之

萬里嚴裝一葉身生涯終擬作勞薪艱難尚幸依良友流落何堪媿昔人斜日心懸仙闕樹秋郊腸斷屬車塵

丙戌從謁



秦陵又扈最憐今夕重幃裏已對寒燈齧指頻

涿州道中再示升之

驛路蕭條柳十圍斜陽影裏共驂駢詩場酒座前塵遠橘社  
尊鄉宿願違落葉隨風難自料長星配月好相依誰知畫省  
簪臺客袴褶秋原學飲飛

時與索倫  
侍衛同行

晚次安肅寄來殷

紅亭昨日始分襟別夢羈愁已不禁老淚豈堪頻洗面短書  
何忍訴傷心青山送客程程遠白髮依人種種深百韻新詩  
聯未就知君翦燭更長吟

宿定州再寄來殷

土鏗茆檐蠟影斜相思排日寄疏麻近來好事知誰與別後  
新詩莫厭賒夢裏琴尊尋米市

來殷近寓  
米市衙前

客中風雪趁柴車

書回應與斑駁客

謂陸重暉秀才伯規

罷酒扶牀一嘆嗟

### 定州曉發示升之

郵籤一百廿程遙

自京師至永昌凡一百二十驛

第七程中第四宵支枕卻

貪殘夢短攬衣重覺別魂銷橫斜野水冰將合颯沓商聲樹

盡凋安得中山千日酒與君扶醉上征輶

### 龍興寺

法鼓香雲供梵天瞻巴遺蹟尚依然金人永鎮三千界石墨

曾經五百年莽莽關河分趙魏冥冥沙霧隔幽燕太行一角

青如畫

用東坡句

洵卜隨師萬里旋

### 樂城旅夜

迅於激箭疾於丸併日兼程敢自寬健僕喧呼攜襖被庖丁

倉卒具盤餐魚梁水落秋沙擁馬背霜濃曉色寒一髮常山

天際路五雲何處望長安

示張同年

鳳鳴

時爲邯鄲知縣

飛鳥稱仙令談經儼大師相逢纔摻袂爲我已端著瘡痍爰  
方劇干戈夾道危重離雖不動未敢卜歸期

君精易理著得離卦六爻皆不

動言止戈之兆也

懷洪舍人伯初

朴

卓犖清才世共知頻年同直鳳凰池叢書欲仿容齋筆涇體  
仍沿玉父詞坐擁青綾宮燭暝封殘紫詰禁鐘遲而今華萼  
何由見

令弟孝廉將次入都

心折江湖萬里思

途遇吳侍讀沖之卽別

時從貴州主試回京

不分河梁此際登風沙滿目意難勝深知道路客顏改欲話  
家門涕淚增噩夢驚心終自咎歸期屈指正難憑煩君說與

慈親道辛苦加餐力尚能

新鄭驛中見月季花方開有感三絕

十月西風打面寒誰知紅萼未凋殘短牆一簇垂垂發畱與  
征人掩淚看

凌冬景色倍悽妍弱葉輕塵驛舍前自歎不如花信準時時  
開傍月輪圓

青腰未忍損薦紅猶有芳華發故釐便是折來當歲暮不堪  
蕉萃寄征鴻

旅夜懷南北舊遊

廿年傾蓋盡名流旅館寒燈數舊遊嘯侶仍同燕市酒攜家  
重上越人舟心餘近主西湖春漲淹漁艇曉發近北郭花深  
當酒籌企我似西南秋月迴獨畱孤影照蠻陬戴山書院

泊襄陽

望裏溪山罨楚雲蕭條遷客竟何云傷心賦早同開府誓墓  
書真愧右軍鐵鹿連檣江外渡銅鞮舊曲夜深聞莫辭墮淚  
碑前過衫袖嘔痕已不分

自漢江至江陵道中作

攬袂登扁舟烟水已盈目參差雉堞閒疎林間茆屋鹿門遠  
可辨峴首近相屬溪山紛有情競欲慰羈束漢江獨西來送  
我下安陸相隨數百里明流尚洄洑沿江富邨墟宛似華亭  
谷扣舷忽眼明見此千畦竹豈徒緩離忱頗覺愜遐矚所嗟  
京籬遙窮巷委家族拒門風雪深誰爲具饌弭寒鴻杳不來  
何由悉煢獨

昨泊茅草洲今過多寶灣涼波漾蘋末側側西風寒楚雲正

清曉拂面增淒酸別緒已寥落復此征衣單心神忽慳慳欲  
狀愁無端秋冬款緒風騷客古所歎况我遠行邁搖落臨江  
山天低欲釀雪黯淡誰能歡且趁獸炭煖呼酒聊開顏

楚天本淒清雲物結陰暄古來遷客居江山亦蕉萃有如傷  
心人一往輒墮淚我登樊水船五日罕晴霽今宵驟雨來灑  
空忽作勢飄蕭下船脣颯沓走沙次何人更夜漁漁歌激悲  
厲聽此歌聲哀毋乃風土異意者屈宋魂遺音在南裔

曉雨已蕭寥暮雨更淒極楚山萬重雲杳與寒空積嚴風亦  
刁騷如弩射牕隙愁人本不眠假寐旋遠適依倚在庭闌起  
居視巾幘稍疑容顏殊慘淡異疇昔復如倚梧巢蒼蕪沒苔

石舊遊出視吾殷勤問行跡

是夜所夢如此倚梧巢則蔣升枚所居在園門內桃花塢

驚江濤喧船舫互推激累此孤征魂往來度關驛夢殘天未

明輾轉何由釋終當學無生稍以杜羈疾

我作苦雨吟三朝復三暮水宿淹程期風濤戒徒御其來自  
初昏其還逮清曙歎我遠飄蕩誰與慰悽悽蕭條入蓬牕如  
怨更如訴助以嗚咽音徐疾互相赴我老不堪愁無淚共傾  
注翳翳成燈殘杳杳寒笳度生平西窗懷擁衾渺何處

曉雲尚未霽理楫邊川塗迴帆入澤口水落寒江枯汀洲互  
隱現沙石相縈紆潺潺不盈尺何以勝方壚繫纜一歎息我  
命良艱虞不謂行路中復此多崎嶇所賴黃頭郎跣足爭號  
呼邪許竟何益欲進仍趑趄天寒苦厲揭或恐傷肌膚坎止  
亦有分請爲待斯須楚天方陰露積露增簌簌儻幸夜雨驟  
決溜鳴長渠朝來溪水活一葦從所如

長年報新晴天晴水更落別換蜻蛉舟尚苦礙浮泊僕人勸

陸行肩輿度林壑從以斑斑車捆載雜囊橐書笈與筠籃提攜亦紛若前道兩騎奴觀者頗貽愕幾如搬薑鼠或類營巢雀辭家更移家相視一喟噤

久爲別鄉人喜見故鄉勝我遵潛江行江堤忽南亘堤旁得農村午雞遠相應竹中八九家茆茨各幽靚秔稻豐已收麥苗潤方逆鳥特亦安閑寢訛適天性何知練雀來犄犄互爭競地僻天機深宅幽塵事屏崽子頗好事見我儼生敬投以大谷梨乞茗報相稱

桓公鎮荆南感此垂楊覆手植皆十圍依依使心疚憶子辭京華落葉盈井甃何爲漢江濱疎翠尚如舊江婁儻念我蕭晨歷楚岫恐增搖落悲畱此慰邂逅或因楚雨滋兼以江波漱托根得地殊蓂藹竟異候攀條忽泣然物理奚足究但取



清蔭疎隨風拂衿袖

憶我去家時新月初上弦盈盈照執手皎皎窺離筵辭家家  
漸遠月尚隨行驪楚江半旬雨疑月霾雲烟豈知碧漢路依  
舊如鈎懸長庚亦吐曜清夜相回旋我家竟何處一別分江  
天見月不見家月見應悽然家人八月愛見佛說入月對此  
愛三昧經嗟幽妍下堦定祝月照我游黔滇更將我比月永望澄暉圓  
昌黎謫潮州心折子厚賢劇喜流竄路十日同被眠況今我  
與君萬里從南遷朝行飽麤飯晚泊栖寒氈出處勗大義非  
獨憐夔蛇孤舟更清曠稍稍開陳編杜韓及蘇集夙昔經丹  
鉛三公我所師萬古星杓懸仰思接謦欬俯讀俱漁畋其言  
偶感激如聽雍門絃師友此已足何事羈愁照示升  
之

漸臺行

漸臺下王出遊漸臺上夫人聞江波忽涌臺欲折使者馳來  
少符節宮人舊約詎敢忘肯以倉皇求苟活噫吁嘻夫人雖  
死真如生清操直等清江清宋宮火楚臺水貞姜伯姬兩相  
似惜哉未入春秋史

鐵女祠行

唐時有孫姓者業冶以非罪獲重辟將刑其二女痛  
父冤投爐而死化爲鐵人有司以聞乃釋其父竝賜  
祀以旌之

似鐵非鐵容模餽似血非血形焦枯迫而視之乃兩姝灼爛  
靡有完肌膚當時痛父嬰刑誅九閻虎豹誰能呼以死殉父  
明父辜騰騰烈燄方歆噓連袵一擲輕鎗銖下飲鐵汁如醒  
潮冶神驚爆爭趨扶肉耶骨耶知有無鐵心鼓鐵成鐵軀躍

泊宛爾疑雙趺活死父驚鄉巫嗟哉剛烈鐵不如後世重  
與鑄金俱

樂戶行

張獻忠破荊州召惠府樂戶行酒內有瓊枝者弗從  
賊怒縛以飼犬同時有曼仙者乘間置毒於酒以進  
獻忠昵之令先飲一飲而斃獻忠始覺竝磔之今有  
冢在南門外

樂戶侑酒不侑賊當筵豈畏鋒鉞逼轡之與犬不忍食誰知  
忍死計更長一卮欲爛凶渠腸惜哉先飲身先亾兩人異死  
心則一漸離海青此其匹罵賊酖賊各出奇一死能令賊股  
栗瓊枝品與瓊瑤同曼仙仙俠真英雄何當立廟圖其容靈  
旗風雨來高空吁嗟乎何人乞命西王府孤墳視此兩樂戶

獻忠破荊州  
自稱西王

宋玉宅二首

蘭臺舊宅傍江濱誰識當時諷諫文  
夢澤旌旗深夜火陽臺風雨暮天雲  
賦成好色規傾國受得微辭冀寤君  
賴有渚宮故事在牆東城北溯遺聞

登山臨水正蕭晨悵望千秋灑淚頻  
洵有才華開庾信誰知風義接靈均  
西堂感夜人何處南浦招魂迹已湮  
聞說歸州餘井曰傳芭併欲薦芳蘋

自沙市放船至虎渡口次升之韻

浩蕩驚如許蒼茫喚奈何地形連楚蜀  
水道別江沱荻岸蕭蕭雪鷗沙淦淦  
波白雲望更遠悽斷橘林多

孱陵侯廟

陰廊白晝呼鵲鵲苔衣石馬風颼颼  
辱陵祀此紛兜鍪周郎已殀子敬逝君也繼起當軍籌  
白衣搖櫓吾不取失計斷在圖荊州  
左將軍昔住油口本以重地資扞扼  
奸雄臨書忽落筆實懼併力申同仇  
後來乘間定巴蜀形勢稍稍分曹劉  
前將軍復向襄漢雷雨快決焚江舟  
阿瞞瑟縮欲鼠竄埽境盡遣張徐儔  
此猶兩虎各死鬪可乘其敝生良謀  
擣虛搃吭古有訓攻所不備真何憂  
渡淮應先舉青兗輕騎北畧平并幽  
河山坐致天下半後迫鄴郡搆其喉  
剷除漢賊尊漢室蜀且備位陳琪球  
何爲大計不出此妄以唇齒生猜尤  
紫髯孝廉識已誤富陂贊畫彌謬悠  
入穴取子詎應爾僅得南郡如浮漚  
卒使當塗固磐石遂盜天命誇岐周  
東吳稱藩亦北面臣服仍等南昌侯  
都亭獨出候魏使建武涕泗隨交流  
伯符若

在定不許謀國竊爲君臣羞古城雖存壁壘失飛騰戰伐空  
千秋生平流宕好奇偉論世輒欲懷嘉猷迺知失策自古恨  
狂歌斫地澆新筓

至滙口聞鴈

水驛三千里烟鴻一兩行可憐風雨夕送我到瀟湘

公安雨泊

楚江渺渺罨層雲戍鼓無聲夜欲分帆腳西風篷背雨蕭條  
併向枕函聞

夜泊洞庭湖口聞笛寄懷江于九司馬程荆南明府

夢湘

楚江十月南行客五兩高帆挂空碧積靄遙經石首山疎楊  
不辨孱陵驛古驛蕭條三戶餘楓林橘社度重湖空洲潦盡

魚龍徙極浦霜高鶴鶴呼此時弭節眞蕉萃柁樓晚飯漁商  
市未捐芳佩弔湘娥卻睇幽篁惜山鬼傷心蹤跡狎鳬鷖更  
載雲旗事遠游金沙鐵壁人難到堠火軍書戰未收揚舲日  
暮方憑眺忽聽篷聲激清峭更深雨止月微明長笛中流聞  
楚調楚調吳歛相間生似訴辭家去國情東華昔夢風中結  
南浦新愁曲裏縈昔夢新愁如匪澣擬向知心寫淒惋逢人  
問訊合江亭荆南時在清泉朱陵承水郵籤遠亦有醴陵解恨人聽  
雨瀟湘剪燭頻于九有瀟湘聽雨錄苦竹黃蘆途更永荷衣蕙帶意難  
申娟娟烟水佳人隔臨風騁望雙飛翼紅蘭碧杜漸凋零欲  
寄馨香終歎息涉江何處託微辭七澤茫茫唱竹枝折麻爲  
報離居意搖落天涯有鬢絲

烟雨

烟雨層巒翠波濤亂石殷誰知一棧路卻出兩崖間野艇隨風泊荆扉盡日關候人休問訊身已似魚蠻

曉望滄浪水

滄浪水清見底欸乃一聲楚烟裏行吟無人山月低漁火曉寒生竹扉

鴈

旅雁辭燕塞隨人過楚都思歸仍慘淡欲別尚號呼未惜烟波遠終悲節候殊烟江墮清月今夜益羈孤

將至桃源書洲明集後

夙愛桃源圖屢讀桃源記頗笑後賢作疑信等蜩沸自來真逸流山水曠高寄一聞塵外區結念厖夢寐未須論有無先與託文字何況柴桑翁身丁典午季折腰固不堪乞食更非



計久懷荷蓀徒畫扇見神契偶傳武陵谿風土信幽異雞犬各自如妻子未爲累悠然寫其人聊以詔塵世裹糧必問津遐想母乃滯我今來沅南溪山悉殊麗寒水澄綠波層巒倒空翠人家楓竹林卽此可終憩安得花紅時一鼓漁郎棹

聞笳

遠火江船泊哀笳楚戍懸灘高聲易亂風急響頻傳援狄吟難穩魚龍聽不眠明朝烟霧裏餞我更悽然

換船上灘有作

又向麻陽喚小舫驚聞七十二灘遙連谿淨綠濃於染雜樹浮青晚未凋樵路懸崖埋雨雪戍樓架木傍雲霄便充水手應無媿身是吳兒解弄潮

泊桃源縣

寒江無月水雲昏山縣淒涼只似村仙犬不鳴燈火靜行人  
今夜泊桃源

自緣蘿溪過新湘水石奔峭爲入灘之始

沅江本北流扁舟乃南向我過花源西江色已殊狀類聞緣  
羅陰新雨起寒漲潺湲逼山來清緊不流宕尚喜雲嶂平間  
以烟墟曠長年指示我去路隘而妨名灘七十二灘灘駕高  
浪此灘方首程母爲遽惆悵

山夾水而蟠水薄山而走山水互奔迫怒流遂噴漱不謂雪  
灘舟人能與水鬪奮臂或孤撐翻身忽全仆眼花落水眠恐  
與巨石奏生平得未曾見此頗眩瞀何暇遡桃林一向漁父  
扣

過甕子洞遂抵倒水巖皆水石奇絕處

湍水從南來銳石忽右拒

去聲

水爲石所搏奔流更東注豈知

限坡陀欲走不得去回旋蹴浪花蓄勢作馳驚偉哉蠻子灘

灘勢實最鉅何爲一葉舟竟往殺其怒舟水相撞春進退屢

淫豫乘間突而前能事詫徑度我身本窮薄履險亦何怖

大石如覆舟小石如斷曰其色侔豬肝其狀肖熊首其積累

重甌其裂豁破缶譎詭非一形爭出扼溪口三石更頤然永

結烟霞友面面勻丹青疎疎蔭篁柳

水經注三石間鼎足均峙秀若削成其側茂竹

便

娟臨空露竅穴大小靡不有俾受篙師篙真宰信非偶

過巖望漁仙寺

眺遍十二峯峯峯翠如沐

倒水巖十二峯有赤霞嶂仙蛻巖諸勝

山形稍欲平

忽見檣竿矗四五麻陽船相次泊林麓上開數稜地地蓋數

間屋屋前種芸薑屋後翳筍竹婦女各忻然雞犬散樵牧層

崖最高處亦放兩轂棘微聞漁仙寺疎磬落幽谷此鄉捕魚  
人朝夕飲寒綠起居在雲烟豈俟駕鸞鵠一笑十種仙何爲  
墮六欲

### 穿石灘

孤峯碧筍如獨出秀無比岩巖數十丈直下插江底風濤所  
磨擺赤立淨泥滓何由竅其中了了見彼此其南若堂皇其  
北圓若晷隔石兩相望過者駭觀止得毋儻忽逢於此縱神  
技惟有僧結圖僧結圖蒙古謂玲瓏山也在木蘭園場中峭壁高懸中通一穴玲瓏畧相似  
茲石類高人中虛豁石髓亭亭俯清流終古絕依倚石丈洵  
可師我將肅拜跪

### 虎子磯

曉行虎子磯磯流忽震掉上有穿雲壁壁勢削奇矯頗聞怒

春風堂集卷一  
漲時百丈浸浩淼至今山腹間屢見沙痕繞斗絕臨飛湍悲  
鳴極猿鳥何年斲石骨微徑出林杪劣餘二分垂窄比一線  
遶戩師稍失腳已被蛟鰐飽橫空巨鐵繩稍藉扶指爪哀哉  
性命危造次安得保扁舟逗其間氣奪爲悽悄嶮巖誰所開  
負嵎角奇峭我無冠古才敢與繪天巧頻首謝山神已被君  
壓倒

明月巖

江山更助我詩情忽而縱巖如圓月圓臨江待賓送單椒秀  
獨出旁嶺敢伯仲儼然柱石葵圭冕領侍從蒼蒼兩崖間橫  
石狀蟠螭中有餐霞人往來課梵誦悵望仙靈都茂由躡飛  
鞚懸知烟霄清縹緲下鸞鳳

雷回灘

船尾一枝柁船屑兩行槳篷間帆六幅岸上繩百丈兼以青  
竹篙五物俱可仗舟子四五人取舍各有當忽聞雷回灘風  
霆戛潏潏家具竟齊施賈勇互下上叫呀張口吻指點鼓手  
掌手口偶未及色授得其象乍駭紛亂麻諦視鮮鹵莽分持  
仍併力一氣謝心想昔聞庖解牛惠施得所養今以悟吾詩  
勞歌激慨慷

自大勇溪至清浪灘長四十里有馬伏波祠

天公欲游戲駭此遠行客截彼浮雲根擲爲撻水石高者矗  
尋餘倭髻亦數尺大或徑連畝小乃展片席摺疊類衣裾剡  
銳等圭壁行次別堂斧台離成蜀嶧統統三門開浩浩九達  
闢橫磨十萬劍一一與水敵水跌忽成窪急起復相射幻師  
作幻技信手妙搏埴持以恐詩魂且洗見聞窄毛髮森欲寒

扣舷三嘆息

嘆息尚未終入眼益奇變洶洶清浪灘灘濶勢轉悍水急風  
旋生廿里激雷徧寸步須千篙十夫助一絳浪花併怒飛直  
前搏人面側聞馬伏波於此下蠻酋至今古祠留時有行客  
薦將軍西川豪氣冠雲臺彥中興效馳驅垂老歷轉戰如何  
惹苒讒千古其悲歎英靈倘未徂乘此洩憤懣我亦從軍人  
嗚呼淚如霰

北斗灘

挂席來南斗空桐望已遙誰知蠻峒路猶得見璇杓

過灘夜泊晴見微月

過灘方五里日暮遂輒泊稍喜灘勢平尚畏灘聲惡如風復  
如潮如雨更如雹客耳雖喧闐客心轉寂寞何期三五月偶

破寒雲薄娟娟。瞰篷窗向我枕簟落我宿。水月間塵夢何由著。

昔者

昔者讀山鬼其音哀以悽。冥冥青楓晚噉噉。青猿啼蕭蕭風雨急。公子來何遲。竊歎放逐臣。激楚纏心脾。茲行楚南境。不謂親見之。扁舟掠山來。山雲日弄姿。如人欲阻淚。障袂銜其悲。清晨雲忽合。密雨何淋漓。窮山晚仍晦。咫尺蒙烟霏。黃蒿與苦竹。蠹沓荒江湄。怪鳥不知名。叫嘯同歔唏。遙聞芝灘水。嗚咽通巫溪。此中信幽渺。孤客魂已迷。應有含睇人。要我申然疑。手持女蘿帶。窈窕陳微詞。

風雨過橫石灘

水逆信可憂。風順或稍快。詎知風水遭。色變衆所戒。風高揚



其威水怒扼其隘兩雄不相能一葉轉生礙春撞屢難前簸  
蕩良已太頗恐失秋毫觸石致厲夫狂風更挾雨烟霧晝冥  
晦誰料千萬山竟作雲海漚茫茫吾安之舉目盡荒怪未敢  
叫天闔揮淚滴飛瀨

北風

地越南嶽南火維寔荒幻萬彙眩青紅烟雨亂昏旦瑱冥所  
未經誰敢下霜霰今宵北風來送寒過江甸上與竹樹鏖下  
與水石戰排空自叫號短檝屢回顛稍欣擁被溫終惜重裘  
綻客路誰裝綿默數慈母線

沙磧灘

一日過數灘灘灘獻奇警一灘亘數峯峯峯露妍靚峯根干  
萬石作態互馳騁其餘沒中流浮沈類蛙蠅不知水落時巧

怪復何等況此沙層灘濃綠鬱千頃宛疑青琉璃倒漾翡翠  
影洲曲山更幽杳杳接欬聲篙聲如琴絃答響亦清迴惜哉  
住谿蠻妙意誰能省何當誅香茆暫此適閑靜

辛女巖

石壁數里遙如屏插激灘青冥不可梯疇能躡崖廣排空出  
洞府厥狀大且儼剝蝕無軒楹橫斜剩楣檻疊疊非筍箱疎  
疎露船艦或云仙者都長物駭奇覽或云武鄉侯餘糧此藏  
斂圖經已錯迂流傳更黯黯吾聞四裔濱悽怪氣所感半爲  
魍魎居出沒在坎窞鑄鼎象其奸牡犇絕其險先王用牖民  
不使蕪兩掩何迺熒見聞誇客屢指點差愛下巖泉色白沸  
沈濫水品如可詳吾將溯鴻漸

沅陵

沅陵控六省來往稱通衢頻年籌邊徼絡繹馳軍符常恐勤  
父老供億荒耘鉏茲來見二麥愛此青扶疎農人言昨者勁  
旅來京都騰驤四千名勇趨如彪羆衣裘逮弓箭傳送資車  
徒每車坐兩兵挾一僦從俱無車以馬代三馬抵一輿無馬  
以夫代五夫抵一駒二百名一起接踵來徐徐蟬聯逾兩月  
竣事歸田廬時維值夏令陰雨膠泥塗趨事庶人義遑敢辭  
其劬沉賴 聖恩厚給直清銷銖薄田雖不治亦足贍妻  
孥今秋京兵歸取道由溪湖更鮮調發慮比戶增忻愉收稻  
積高廩泊圃豐嘉蔬終歲諒溫飽執役真區區爲吾告父老  
努力勤菑畝用兵不知兵自古良所無

泊沅陵城外長橋蓋卽雷滿所鑿塹也

楊柳歌詞送郵傳輅車已抵金祥殿繩聲紫色屬午溝從此

羣雄角爭戰文身斷髮勇絕倫擊鮮醢酒何嶙峋澤中大獵  
置伍長吹笙王子何能馴廣陵歸來剌刺史請命于唐稱節  
使杜洪成汭兩燼灰輕舟攻劫窮江汜楚南形勝連洞庭鑿  
開水府增池亭裸衣擲器自閑暇出沒未畏蛟龍獍千丈飛  
橋作虹挂土團蠻士今何在南平兵後霸圖空萬堞參差遠  
如畫

### 望善卷洞

仙人墓何在空翠九峯閒忽憶洮湖雪曾經離墨山

宜興有善卷洞

丁卯予于雪中過之

### 泊辰谿城下

孤城睥睨臨層嶂人家雞犬緣雲上下瞰澄潭綠於醲寒江  
鋪前天下稀碧雲如水生微颺灑我白髮寒絲絲竹林浮烟

山欲雨隔岸哀笳落孤戍驚起沙禽拂帆去

大酉觀

我經辰谿陽城堞排山椒其南大酉觀隔水凌巉嶢翺翔祀  
羣帝秩禮殷宗祧恭聞洞天内祕簡垂黃姚六丁守雷電五  
緯臨雲霄南方赤熒怒絳節時來朝弇山羣玉府媿此同兒  
曹嗚呼三古邈元命空符苞左神靈威護汲冢不平準消寶  
書百二國存者俾瓊瑤矧乃予似前墳索誰能操傳經在經  
世何意藏苗獠我將夜簪筆炷香禮琬杓願啓蝌蚪文永配  
圖書標逢逢伐鐘鼓大酉制旁有鐘鼓洞萬禩開聲昭薄遊志未遂側  
望心惓勞

寄吳泉之兼憶沖之

佩刀長揖出都亭惜別知君眼倍青客路山曾經二酉舊遊

人最憶雙丁孤舟盡日逢寒雨歸夢兼旬託使星爲報楚江  
搖落後蘅蘭猶未墜芳馨

白沙灘曉行見溪山出雲作

聽雨更聽風看山復看水楚南十日行觀妙歎止矣豈識白  
沙灘雲容更如此山雲宛佚女巾裏隨所使一重復一掩鏡  
簾偶徙倚溪雲擅淩波濛濛曉方起動影沖融間半入青鸞  
尾層雲忽相遭作態照清泚依然尹與邢隱約鏡奩裏不知  
巫山陽持較復何似誰攜芳華詞贈彼嬋娟子

鷓鴣灘

前過鷓鴣若今歷鷓鴣灘傳聞千點墨屢爲行旅艱茲晨何  
瀟灑出沒依澄瀾共眠翼戢戢偶立紋斑斑扁舟掠其吻翹  
足殊悠閑此鳥或似我樂志耽溪山不鳴亦不飛雲路忌騰

鷺舟人笑相謂幸此臨清湍前有黃獅怒掉尾方巔岼

黃獅洞灘

我來黃獅灘不見怒蹴踏溪聲如廣長俛首聽說法

夢升之

小舫參差似鴈羣清宵語笑定相聞夢魂尚恨篷窗隔愛傍  
殘燈更夢君

曉雪

我昔在興安八月雪霑浥隨風凝行帳冰棱不得襲頗怪鑱  
天峯眩作玉筍立今時仲冬中六花何未及夢回聞篷聲似  
雨轉悽急榜人凍相語微霰詔先集雜以霰霏飛烟靄巨原  
隔吹面生餘寒拂袖泣微濕浩歌下危灘蛟龍快全蟄

漢水灘

灘奇雨亦奇見客輒交射每距數里遙氣象已可怕昨驚連

珠險

灘名

漢水亦其亞未到先薄人作色變鳴啞殷殷春霆轟

浩浩高浪駕助以陰霧霾晦昧竟疑夜石角怒而前排暴欲  
爭霸舟水互掣衝失勢忽一瀉榜人稍惘惶我命伺其暇出  
奇遂出險杯纜向桑柘回首嵐霧濃風濤尚凌藉連溪斑竹  
叢冥冥叫山鷗

### 行黔陽道中望諸山積雪

楚黔地絡陽三冬罕積雪昨者落旋消曉來復蕭屑入午勢  
纔停舉目皓已潔不知萬層山玉屏忽齊列有時露蒼嵐白  
雲補其缺雲雪杳莫分界天竝截衆穹崖稍難留微痕象環  
珙人家殘雪中戶牖半明滅夕陽落孤舟松竹更清徹一轉  
又一奇可攬不可說龍公借玉戲萬里慰此別喚買拋青春



酒名推篷賞幽絕

玉樹灣二十餘里石皆瓏玲離立吾鄉湖嵌殆不足數也

五日畫一水十日畫一石挂我高齋間觀者歎神蹟詎知一日間千萬飽奇癖林林立寒溪不作獅象擲豁訝渾雕鏤宛轉攞筋脈偶同簾笥穿忽比鼎耳圻何年仙人橋凌虛更無跡得非修月斧斲此渡溪客我家近太湖雲根等圭璧香山偶載歸已足示高格況茲廿里餘家家倚青壁臨江風露寒入夜烟霜積翛然山澤癯豈肯近研席應有金華兒牧羊共听夕

謁昭靈祠

寥落芷江地三閭有舊祠蘿衣山鬼笑蘭藉楚人悲風雨頽

孫壁烟波載桂旗千秋懷石意未許賈生知

宗國餘三族羈臣歷九年抽思還婢直惜誦屢屯遭枉渚辰  
陽隔修門郢路懸牢愁無可畔決絕在沈淵

地已亾丹浙兵仍絕武關怒齊空失助走趙竟無還太息龍  
門遠誰知萆路難夷陵烽火日想像淚痕潛

渺志追三古芳菲姱節彰肯同桑扈裸尚鄙接輿狂鸞鳳爭  
承駕虹霓使作梁欲知耿介性世譜接高陽

蘭杜凋中沚莓苔上步櫺靈祠三楚遍遺像百蠻瞻魂魄巫  
陽召生平太卜占先民如可作風義激頑廉

慘淡逢辰缺蒼涼遡甲朝修能宗聖哲文采啓風騷天遠寧  
難問魂歸豈用招從來蕉萃客雪涕薦申椒

七里灘

茅屋杉籬不見門數椽殘雪印鞦痕半溪斜日孤簷捲時有  
漁人歸竹村

曉晴

稍喜晴光霽仍愁霧氣濃寒溪千百折遠障兩三重水急多  
魚步山深有鹿蹤松杉青似沐誰信是嚴冬

復雨

雪晴雨未晴沈沈下穹碧欲將萬斛珠洗此千山白雪瀑與  
雪同飛流界苔石懸知沅江波今夜漲盈尺岸旁千篠筵閉  
此漁人宅惟聞楓香林日暮響格磔前呼不如歸後語行不  
得我行日方長欲歸豈敢憶自分愧溪禽故山栖倦翮停燈  
灑連絲共向烟篷滴

日暮過大遲灘

灘自便水驛節節森坡陀小遲與大遲狠石尤嵯峨一石逼  
一浪一浪盤一渦千渦浪所聚鬱屈噴長波水底更列石急  
溜無由過全江壅而上快瀉龍騰梭舟人理竹索逆挽肩相  
摩百丈繫百指彼此通招訶誰知風霆震欲語聲先訛溪迴  
水雲黑後艇方蹉跎中流絳忽凝挂石如藤蘿幸有肉飛仙  
水面凌黿鼉兩舟卒竝濟佇立瞻層阿一燈誰家屋歲晏方  
婆娑

夜聞灘聲奇詭可怖詩以狀之

灘聲欲挾羈人夢萬竅刁調浩呼洶石林夜幽神鬼衆土伯  
山魃率其從一足靈夔嘯且踊赤豹文狸互鬪鬩譁譁出出  
聚蠻峒偷使陰雷劇簸弄勢挾千巖各飛動挾之不得折而  
趨尻輪一駕風雲俱九地忽裂聲鳴鳴

舟泊晃州驛

經月方辭楚乘風欲屈黔已添帆腹飽并免石棱尖野市柑  
初賣蠻鄉酒更甜詩成百廿首勝事我能兼

三汊灘雨

三汊灘前一尺雨濕到篷根印衣屨比似春寒寒更苦楓篁  
月黑援交語

舟至玉屏

性命真悲一髮輕寒灘日日鬪崢嶸人從激箭流中坐船在  
崩崖罅裏行喜見杉筠圍野邏愁聽風雨走山精驚魂才定  
輿人報前路千峯劍戟橫時將陸行

水驛

水驛龍塘北人烟雉堞西呼船村度近北門外有平溪渡編竹客廬

低邑小當三楚灘高挾九溪

宛溪焦溪梅溪松溪牙溪勇溪鐵溪小田溪白水溪謂九溪皆

從鍾陽江達於沅水

前宵未殘雪隱與玉屏齊

### 泊舟玉屏北郭

澗水沅江道路紆又經北郭橫征艫休嗟流落同商婦自笑

稽留類賈胡短燭孤舟風浪湧亂山殘雪歲華徂故人恰惠

衡陽酒

同年戴君酒令於此

稍潤詩腸幾日枯

### 書所見

一畝誰家築考槃雪時景物未凋殘芭蕉滴翠楸櫚綠偏與

松杉伴歲寒

### 沿平溪過天生橋西行

長溪蜿蜒乖龍蟠古路犂确修蛇斑路緣溪行互曲折忽見

橋影搖澄瀾獅王象主

皆峯名

共相屬中有人烟隔櫬竹失喜

寒溪滑笏平一角雪嵐浸寒淥

入雞鳴關

嚴關呀然忽西折古路低盤如入穴羊腸一線凹且凸寬尺  
有咫亂磴樾山色陰沈鑄積鐵飛泉灑道泥活活輿夫十步  
九恐跌道欹欲卸石半裂板薄如紙補其缺行人俛眎魂駭  
絕萬仞崩崖萬疊雲萬道轟流萬條雪

栗子沖曉行

月黑山霧高舉手不見掌出門纔數武亂石密於網半里四  
五盤一盤六七上微路緣山腰著腳僅容兩肩輿已凌空天  
風尚簸蕩俯臨萬仞谿下有麻陽舫篷燈細如螢人語難聽  
髮惟聞灌莽中輞雷激泉響

黔陽兩月雨飛瀑弩發機昨日雪亦銷界道噴氷澌豈堪一

綫路攪此三尺泥土膏如炙輾石滑如累棊前者把火照繼  
以明燈隨猶恐臥虎怒中宵蹋其颺有目不得見何由測嶮  
巖忽聞天雞唱矯首呼晨曦

抵鎮遠寓舍臨溪水榭彷彿秦淮因題三絕句兼寄  
子才蘅川兩君

翠箔紅欄敞水亭人烟客舫聚寒汀分明丁字簾前路添得  
青山作畫屏

殘冬節候峭寒天初月雲中影尚偏行客莫嫌箏篴少溪聲  
終夜弄冰絃

袁虎詩才老更蒼通明高逸似柴桑誰知江左文章客獨上  
吟鞍過夜郎

游中河山入青龍洞還過中山寺觀太和洞四十四



韻

臨溪忽擢芙蓉朵聞有兩洞長而隱日暮清游約竟果青龍  
衙衙在其左鈎梯半似右師跛石髮陰森垂鬚鬢瘦竹長松  
亦婀娜穹巖下垂晃疏綵構屋堅牢絕搖簸對眎山城分射  
塚礪轉民廊穴螺贏檣竿百尺不及髀香爐之石峙磊砢

香爐

山在中河山側峙立清漪上豐下削宛若香爐

北扣中山禪闔鎖殘僧出迎口先哆

導我入洞礙裾袂房然忽登萬斛舸東西九筵平不頗其白  
晶晶帶珮瑳其黑斑斑贅瘕蠡如雲聚族如葉裏如筍抽萌  
如箭筈旁寄二穴竝破礪暗泉交滴串珠顆小池規月承其  
墮中供聞思菩薩埵妙香晚寂幡影暉倚廊短碣沒塵巢剝  
落欲讀命炬火感歎遺詩良帖安

洞內有臺使任國璽詩碣詩字俱工

西臺御

史丁坎圻巡覽周黎痛勞瘁畱取丹心照裳裸激揚風義誰

則那晦翁遺祠在山邏嘉靖九年知府黃啓英有紫陽書院碑言於是山建書院設學田且以祠奉朱子今遺跡俱不可考矣所惜遺蹤蔓瓜瓞學舍書田誰負荷空剩花龕留梵坐黔山如此森崒睡朗人秀士出應夥敢告有司起庸儒亟啓臯比論卿軻洞比鹿洞無不可

### 文德關

兩崖雲樹交百丈旌竿直詆蕩關門開大書表文德我聞九股苗處此實云逼其人悉狼貪其技甚鼠卽往往弄潢池窮年費搜殛殺氣之所鍾箐林至今黑邇者聲教敷殃徒樂生息羣知國憲尊胥奉長官職嚴關空崢嶸戍邏出遙碧霜風卷哀笳清曉壯行色我願揭此名移向蒲甘勒庶幾烏帟墟萬古洗兵草

### 相見坡

前坡行客忽招手後坡行客竟開口兩坡相望尋丈餘豈識  
千盤越岡阜天梯萬級凌巔峴下視窪谷何斑斑寸人豆馬  
杳莫數望我應在層霄間一迴一折屢隱現直上峯巔總相  
見安得京華亦似此日與家人覲顏面

昇輿甚險偶爲短歌

下山走阪九上山逆水船下用四夫夾上用四夫牽長繩繫  
版當胸穿昇者四耦相回旋二十四足爭後先如魚逐隊螳  
附羶如羊倒挂禽齊驚尋橦之戲將母然輿聲格磔鳴秋烟  
吾身托輿輿托肩肩上竿木絙以緣腳底細路欹而偏俯視  
何啻千仞萬仞懸中有千石萬石森戈鋌

斗狼箐道中遇雨

雨颯颯風淒淒據于石需于泥一轉復一折一高更一低轉

折安可極高低數千尺上山臥肩脊下山驚魂魄怪樹如龍  
擘巾幘怨鳥嘯空杳無迹萬仞穹崖危已圻半嶺飛泉碎璣  
壁灌莽青黃濕烟積足底千峯那可識雲海蒼茫界天白

飛雲巖

飛雲之巖雲所宮欲飛不飛畱奇蹤雲老化石與石同如鍾  
乳乃寒泉鍾如星光質成碯磴千朶萬朶攢一峯竅然石屋  
敞且崇垂天之勢何逢逢凡雲所載類以從之而鱗鬣蟠應  
龍櫓角戢戢眠雨工光音天人櫻珞重紫猊寶座青芙蓉繡  
幡華鬘花丰茸猊獅香象拳毛鬣兜羅綿現舒晴空亦有仙  
叟方雙瞳手持絳節朝樊桐鶴翎鸞羽隨靈僊瑤華芝草翻  
靈風石上刻殊形異狀紛玲瓏一一崙以雲空濛左折兩洞  
威龍崕一洞如厂架棟隆涓流下注銷珩琮一洞杳黝不可

窮云是夏秋水所宗右轉石筍攬崆峒有石扣之應笙鏞笙

從尚書鄭義

前聳三石蹲熊熊構亭其首延青紅亭上合十南詢

童稽首觀行超圓通

巖坳高闊以奉觀自在對面小峯爲善財童子亭

繞巖合沓杉

相松瀑布一道噴長虹是日雨霽陰霏蒙羣山杳靄迴高穹  
擬排兩鬪鸞高狎登輿三里東坡東尚有雲氣摩心胸

巖畔見梅花

香從冰雪境中聞玉蕊疎花已吐芬開向華嚴樓閣裏不須  
同夢憶梨雲

黃平州道中

隔嶺殘陽雪已晞風迴石竇約雲衣人家漸有初春意翠鳥  
嘯烟竹半扉

沙際春歸草甲開尖於韭葉綠於苔可憐未作褰腰樣已費

江瑯賦別才

家家修竹當門屏竹裏茅堂對石汀六枳籬中蔬圃綠矮牕  
都傍碧瓏玲

小小肩輿短幕遮一蒲團地足趺跏夢回忽見寒山月空翠  
如烟濕碧紗

游雲溪洞

昨登飛雲巖如入華嚴閣萬疊香雲華蓋雲隨風作態巖前  
落今來雲溪洞如入脩羅宮天魔衆擊大海浪手遮日月摩  
蒼穹高十餘丈摩然垂其袤兩倍深四之沙石犖确流寒澌  
洞復有洞千萬姿其左洞二黑如夜杳不見底寒氣射疑有  
肥蠅此中舍其右洞一開門閱磬折而入通天光洞口冰柱  
排明璫最後一洞深冥冥不見燄沸聞琮琤蒼時洞天傳道

經頗聞龍虎翔仙靈內藏鐘鼓鏘流鈴迴潭百畝如鑑平後  
出更見炊烟青人家修竹開林扃省志洞深二十餘里中有蒼龍白虎石鐘石鼓又潘  
淳游記云內一潭廣百畝晶瑩澄徹石壁間石穴僅可通人  
匐匍而入行未數武豁然雲開修竹茂林望人家炊烟上穿  
屋郵傳竊恐非真形我友好事幸勿聽況無列炬燒松明  
之賈勇欲進余以無炬止之迴塗復上岑樓上石室嵯峨竝奇壯寒骨悽  
神不可畱恐激天風忽排蕩洞一名大風洞潘記云洞中時  
輿作雷聲少頃風起不減海中

過魚梁江新橋

亂山浮翠雨新晴徑轉蒼崖拔地生雪瀑三層緣石瀉虹梁  
百尺絕溪橫苔碕瀨急魚難上竹塢叢深鳥亂鳴我亦吳淞  
垂釣客何因閑坐聽琮琤

游牟珠洞

我經平伐司道過牟珠洞龕座荒鐘魚椒塗胥茅葑仰看石  
樓開遙見古佛供近前稍崢嶸小折遂昏瞢擁炬憊子先搯  
筇獠奴共地脈劃町畦山根界錯綜初陟呀短扉再窺豁斷  
甕三進豈及雷一綫僅餘縫忽拚袍袴污悉解衣裘重首下  
尻敢高手揮目難送蟻穿曳朋儕魚貫綴僕從需泥震乃厲  
出窅笑成哄雲蒸熏饋餽泉滴凝乳湏久爲兌澤鍾兼積夏  
雨凍土膏劇塗脂苔滑險踣凍危梯阻峻嶒仄徑峭橫縱錯  
趾愁淩兢捉臂憊引控進比蛇鬪鄭退等鷄過宋怪訝夸娥  
移秀逾仙客種千尋更陡落一柱恰當空矗然豎根闌儼爾  
直家弄迴聞波濤翻近覺震霆動得非應龍潛母乃巨鼉閬  
杳冥迷垠涯陰慘靄霧霏人傳水怪騰時向石牀狂未知張  
鱗鬣頗辨印跟踵神奸偶此潛出沒奚足恐夙慕澹臺雄差



峴昌黎慟惜未執燃犀曷由整飛鞚回途意未厭品石奇益  
衆網攫臥罷熊珍步舞鸞鳳詰曲挂蜿蜒橫斜亘嵒竦長如  
瀑垂紳潔比月綴棟斑斑杼杏開纍纍橘柚貢三界所應有  
萬彙靡不統猗與實神區歆矣侶蠻峒營魂駭眩掉耳目飢  
鴻網幸藉靈蹟縣用寫羈忱壅天工富雕鐫人事愧慙慙稽  
首辭空王登輿恍如夢

龍里道中微雪

天無三日晴地無三里平人言黔陬惡險滑難爲名誰知山  
水好不畏崖路峭味如食諫果愈瀟乃愈妙所憂雲陰陰化  
作霖淫淫飛流爭界道何由度危岑南來五日已不雨更乞  
經旬放晴煦搔首叩天天不語竹外雪花颺輕絮

養龍坑行

蠻溪水立蠻雲徂衝風凍雨雷霆俱溪濱游牝忽覲止

用鄭箋

蠶星墮地生神駒洪武年初入職貢其高九尺長丈餘六龍  
法駕禮夕月如山不動行亨衢飛越峯名冠天廡學士作贊  
中涓圖吾聞烏蒙之馬本卓絕番長寶貴千金須教馳有術  
在孳乳先繫厥母臨崎嶇時其飢渴乃一縱決起直上蒼鷹  
如更番迭試調習久蠶叢鳥道行空虛軀幹雖小骨力健陟  
險要與北馬殊邇者朱提阻聲教渡師洱海彰天誅黑雲  
落鴈飛食肉思得神駿供馳驅川黔楚粵悉助騎雲錦絡繹  
經巖隅潭中神物今豈無癡龍百萬睡未蘇何當鞭起蹴烟  
霧太乙下況苗矜區眼前突兀見此馬追風躡電三江趨縛  
其渠帥登其俘嗚呼縛其渠帥登其俘千騎萬騎散孤歌  
陳天馬歸來乎

行抵普定令客長洲蔣秀才進來見言昔欲從學於  
余而未果具道黔中洞壑甚詳且訂歸日同游之約  
京洛搢笏得得來每逢巖壑劇蒼苔洞天清話君能解勝似  
符家老秀才

十二月十五日夜月

鐙火蠻村夕風霜餞歲時六千經遠道三五值佳期雨久雲  
歸緩山高月見遲遙憐香霧裏永夜倚簾帷

曉行巖石忽墮壓擔行李皆損

晨發傍山行橫空忽飛駁仰看巨石崩萬衆叫而愕隱韡摩  
層崖所遇輒相搏氣劇千圍松聲走萬仞壑晴雷入九地餘  
怒尚磅礴一卷偶飛來壓擔碎囊橐得非罡飈吹恐因積雨  
落物理果茫昧警魂竟安託或云此欖槍光霞化砢砢左角

無復纏小醜行就縛聞語更听然解鞍且醅醕

叶

### 白水巖瀑布

輿中作夢騎長鯨徑度香海游層城忽聞殷雷動萬壑到眼  
乃是奔泉傾泉初夾山曲折行與石相搏成瑤瓊白水之白  
因以名滙於巖上青苔凝渚於巖下碧玉平懸崖獨成無色  
界一落百丈開空明怒者盤螭鱗甲橫飛者仙鷺翹修翎疾  
者揭天柁鼓震徐者跪地游絲輕楊花萬點綴瑣闥珠顆百  
串垂簾旌卷空如烟復如雨水面盡化雲英英隨風過溪灑  
客袂游子目眩心神瑩黔山蜀獨尖而青涓涓淺瀨流石泓  
詎若茲瀑能移情想當六月山雨驟素車白馬爭闖轟橋邊  
獐狎數家住枰欄如纛搖檐楹拓窗正對一匹練川霞雪浪  
四字刻窮其形安得賃屋依林垞解衣日臥松間亭觀瀑序

遙天欲雨陰霧生僕夫不于催嚴程長歌擊竹出金石深潭  
恐有蛟龍驚

志稱巖下有怪物潛此

雨中自老鷹巖至白沙驛三首

晨發花貢驛午屆老鷹巖巖最高億萬丈千盤造其尖峻阪不  
受足泥深滑如汔輿同垂藤猿一綫梯空嵌石壁更橫出其  
唇侈而弁天風恐吹墮俯仰心憂悞

苦雨已蕭騷層雲更靄靄無風圍圍升

見說文引古文尚書浩蕩眩銀

海不知下界中羣峯復何在奚奴咫尺間相望兩難逮我身  
屆烟霄終難叩眞宰何時得解駿金鷄露精彩入雲須出雲  
與人再厲乃

蠻樹寒不落蠻草冬仍花經旬洗霧雨紅翠如朝霞宛疑江  
南路寒食芹初芽又疑迎梅候霧靄低鷗沙下有泉琮琤旁

有石谿初惜此清絕境淪落獠獐豕豈無肥遯士編竹甘幽  
遐連山杜鵑叫和我相歎嗟

松歸塘

淙淙寒泥滑棱棱石竇虛泉聲迴木棧雲氣擁籃輿村店二  
家市蠻田二歲畝招提松翠裏未得聽鐘魚

驛旁梅花

蠻村臘尾東風早雪後溪山未枯槁石橋西畔見寒梅數樹  
扶疎向蒼昊嵐深已覺暗香滋石瘦還憐春蔕小細雨如珠  
有淚垂濕雲似夢無人曉未逢晴旭趁黃蜂半帶朝霏曉翠  
鳥先生京國打包來直泝湘沅擷芳草舉頭蒼翠亂楠櫓放  
腳青黃蔓蘿薦邂逅何緣對佼人忽揩病眼開幽抱吳趨春  
信想銅坑斗轉參橫水雲渺畫舫驚興日日停香林酒舍重

重繞都城九尚銷寒唐花壓檐橫枝裏粉葩參差照碧瓷  
銀燈迴合傾清醪兩地淒涼正憶君移根豈意來蠻獠仙衣  
零落枳離間丰格依然出塵表肯依池館鬪瓊花自向溪泉  
甘窈窕橫筵誰知怨寂寥簪巾我亦慚衰老停輿欲去更咨  
嗟漫與新詩慰悽悄

### 下凌

非霧非霞還非霜如烟如雨空中颺著草著樹白於肪冰綫  
縷縷垂簾窻問之曰凌不可詳凌人伐凌垂經常似此蕭屑  
何能藏在木爲介霧爲松方言偶爾異蠻硯九溪以南炎瘴  
重飛雪稀聞滕六送得之陰陽斂其用客程不畏薄寒中祇  
喜農家歌飯饔

### 入滇南境

平彝縣宜威嶺上有萬里亭爲滇黔交界處

征鞍茸帽日駸駸客眞成萬里心山盡地還開赤堠冬殘  
雪尚覆青林松針分綠齊鋪地梅蕊含香欲上簷莫歎長安  
今更遠鬼方北望暮雲深

過青溪洞石狀之奇甲於諸洞入二里許以火盡旋  
返導者云洞復有洞左右旁穿歷十餘里不能窮也  
我乘龍蹻行狂游入山腹肺腑忽槎枒膺穴盡連屬造化枵  
其中神靈實所族大之高以軒隘乃繚而曲怒垂雲萬縷倒  
拔筍千束音同鐘鐻調狀肖裳裾感奇蹤吞八九勝踐漏五  
六隸人倦執燧羈友勸迴躅誓裹十日糧盡探億仞谷再蘸  
墨海濤大書紀巖麓

晚次白水驛聞宋公屏于前二日已過此矣不得相  
見爲之悵然卻寄



來往干山路艱危萬里身同爲黔筑客不見雪溪人時命寧  
終謬文章自有神蹇驢風雪裏歲暮莫酸辛

大雪過分水嶺

北風吹山馬欲倒雪雲不辨干峯縞誰信同亭爰瘴鄉

柯爲同亭駝褐茸衫寒料峭未春已覺春苾苾六花遙帶梅花香

多羅海畔瓜皮艇行人愁問瀟湘景

瀟湘江在南寧縣城外

馬龍州驛館曉雪

宵經多羅山不辨紅軍哨殘更詣驛亭始有松明照噉粥復

圍鑪一睡失寒峭有如飲酒醺豈省村雞報稍聞小窗南西

風等噫嘯起來視苔砌雪竹亂旂蕭屋後木客籌

名

鑊鏡天一

色縞絕景得未曾誰能見奇妙古來尋幽人蠟屐豈能到何

爲在行邁偏覺憂心繞乃知緣境移此識實顛倒一笑呼趣

塗吾將展遐眺

小除夕前至昆明馮觀察泰占

光熊

留宿齋中

十年結珮侍 楓宸形影相隨是夙因公事紛繁憐我拙交情款曲愛君真烽烟慷慨從軍日溝壑顛危出險身歲晚官齋留對榻喜心翻倒欲霑巾

紫誥輝煌出

禁門元臣推轂領軍屯已擒貔虎分

天仗

直掃鯨鯢盡地垠三策自聞籌遠畧一宵暫得慰羈魂飄涼

萬里猶堪仗到處提攜有弟兄

間趙雲松錢黃與  
受發已在鵬衝

春融堂集卷十終